

北京市沿革誌略

北京市

北京在禹貢為冀州之域嗣復析冀州東北界為幽州
周初屬薊國武王封召公奭於燕始稱燕國都迨石晉時
地入契丹乃改稱南京亦曰燕京宋宣和中金得之仍以歸來
改為燕山府旋復入於金改稱永安名其府曰大興至元初建
為中都設置政府至元四年遷都於此六年改中都屬大都
路明洪武改設北平布政司易大興府曰北平府及永樂自
南京遷都北平始改稱曰北京（係對南京而言也）易府曰順
天府部者二邑東曰大興西曰宛平永樂十九年稱曰京師
清室定鼎亦建都於此仍曰京師畿輔內府縣治均無
異而以盛京為陪都迄民國成立初仍建都北京至十七
年政府南遷乃將北京改為北平市直隸於中央政府焉

古蹟名勝（九壇八廟及燕京八景）

九壇

天壇明永樂十八年建地在永定門內東側其形前方後圓
外垣週圍十里內垣週圍七里內有奇內部建有圜丘壇皇穹宇
宇祈年殿等舊為皇帝每年冬至郊天之所

地壇在安定門外東側外垣週圍七百六十五丈內築方丘象
地舊為皇帝每年夏至祀地之處現改為市民公園

日壇在朝陽門外東南壇垣週圍二百九十九丈壇高五尺九寸舊
為皇帝每年春分祀日於此今改為朝陽市場

月壇在阜成門外先恒街壇垣週圍二百三十五丈舊為皇帝
每年秋分祀星月於此

先農壇明嘉靖所建地在永定門內西側內都建有觀耕
臺上建八角琉璃亭現改為城南公園誠夏日避暑之勝地也

舊為皇帝每歲春日親農之所

先蠶壇在北海之東北隅舊為白皇帝祀蠶神之所

天神壇在永定門裡先農壇內舊為皇帝祀風雲雷雨諸神之所

地祇壇亦在先農壇內舊為皇帝祀山嶽河川諸神之所
社稷壇在天安門右內部建有五色土質方丘舊為皇帝祀社稷之神於此

八廟

太廟在天安門左與社稷壇東西相對內建有前中後三殿為清室皇帝奉安列祖后之所現改為故宮博物院分院

奉先殿在紫禁城內景運門東側前後殿各七楹內有神龕為清室皇帝祭祀先祖之所

壽皇殿在景山後清乾隆時重建為清室皇帝供奉歷

代帝后遺像之所

雍和宮在安定門內迤東北新橋迤北殿宇雄壯佛像奇偉為章嘉呼圖克圖喇嘛唸經之所原世宗潛邸

傳心殿在文華殿東為清室崇祀先師之所現在置御書房等用具

堂子在東華門內南池子中有天圓殿為舊制每歲元旦或國有大事皇帝行禮祈報之所

歷代帝王廟在阜城門內路北為明嘉靖年建係祀歷代帝王之所

文廟在安定門內路東成賢街東首為元代遺建係崇祀至聖之所內有元祭酒許衡手植槐及觸奸柏（相傳有明閹宦魏忠賢曾過此樹枝下垂作鞭擊狀故名）并石鼓十面（傳係周宣王所遺獵碣）尤為最古之物

燕京八景

瓊島春陰在北海內島前建有永安寺亦有瓊華瑤島萬寶山諸名昔人有詩詠之曰

瑤峯獨立倚空蒼雲去雲來雨不妨旋逐春寒
生苑樹更隨晴日度宮牆玉皇居處瓊樓聳
太史占時五色光若與山龍同作繪也須能補舞
衣裳

薊門烟樹薊門亦曰薊丘又曰上城關在德勝門外西北八里相傳為古薊州遺址舊有樓館今已廢圮昔人有詩詠之曰

薊丘城外訪遺踪樹色烟光遠更重飛雨過時
青未了落花殘處綠還濃路迷南郭將三里望
斷西林有數峯坐久不知遲日霽齊隔溪僧

寺牛鳴鐘

居庸疊翠翠居庸關在平綏路線南口之北為大青山脉之尾閭實北京西北最險要之門戶也昔人有詩詠之曰

劍戟森嚴虎豹蹲直從閭闕見乾坤山連列郡
趨東海地擁層城壯北門萬里朔風須却避
千年王氣鎮長存磨崖擬刻燕然頌聖德神
功未易論

玉泉垂虹玉泉山在京西萬壽山後其泉下垂若虹景極清幽昔人有詩詠之曰

太液池頭春水生更無風雨只宜晴鳥飛不動旌
旗影魚躍時驚綵袖聲天上銀河非舊路人間瀛
海是虛名何如周圍閭靈沼長與君王樂治平

蘆溝曉月蘆溝橋在北京西南為內省入京孔道往時出京者多餞別於此昔人有詩詠之曰

霜落桑乾水未枯
曉空雲盡月輪孤
一林燈影掃還見
十里川光澹欲無
不斷鄰鷄催短夢
頻來征馬識長途
石欄橋上時翹首
應傍清虛憶帝都

金臺夕照黃金臺在朝陽門外東南春秋佳日都人氏多往登臨晚眺景極美麗昔人有詩詠之曰

往事虛傳郭隗宮
荒臺半倚夕陽中
迴光寂寂千山歛
落葉蕭蕭萬樹空
飛鳥亂隨風上下
歸人競指路西東
黃金莫問招賢地
一代衣冠此會同

太液晴波太液池乃三海(南中北)之總稱舊名西苑水源出自萬壽山昆明湖夏日荷芰盛開香聞十里誠佳境也現闢為三海公園昔人有詩詠之曰

碧嶂丹崖瀉不停
翠微雲淨轉分明
春風不散空中影
夜月偏聞樹底聲
內苑分來瑤水合
御橋流出鳳池平
仙源信與人間別
歲歲年年長自清

西山霽雪京西羣山起伏諸峯掩映冬日高寒雪霽望之如削玉昔人有詩詠之曰

海上雲收旭景新
連峯積雪淨如銀
晴光迫入千門曉
淑氣先迴上谷春
瑤樹生輝寒已散
瓊杯銷凍暖偏勻
玉堂相對題詩好
席席鉤簾坐夕曛

以上所錄皆為友人燕京遊記所載外此尚有名勝寺觀多處(如阜成門內白塔寺朝陽門外東嶽廟西便門外白雲觀宣武門外崇效寺先農壇西陶然亭埋香塚鸚鵡塚崇文門外蟠桃宮地安門外什刹海德勝門內積水潭門外大鐘寺西直門外天然博物院湯山明陵西山八大處等)

并現在清室故宮三大殿三海公園中央公園及萬壽山
頤和園均已開放任人遊覽已有北平遊歷指南載記甚
詳茲不贅錄

河北省各縣沿革誌畧目錄



第一區 憲兵第四隊調查

宛平縣 大興縣 良鄉縣 房山縣 涿縣 固安縣 永清縣 安次縣
涿水縣 易縣 涿源縣 新城縣

第二區 憲兵第一隊調查

武清縣 天津縣 靜海縣 霸縣 新鎮縣 文安縣 大城縣 青縣
倉縣 益山縣 慶雲縣 南皮縣 東光縣 吳橋縣 寧津縣 獻縣
武強縣 文河縣 棗強縣 景縣 故城縣 阜城縣 武邑縣 衡水縣

第三區 憲兵第五隊調查

安新縣 雄縣 任邱縣 高陽縣 肅寧縣 河間縣 蠡縣 博野縣
饒陽縣 安國縣 安平縣 深縣 深澤縣 東鹿縣 藁縣 無極縣
晉縣 寧晉縣 新河縣 南宮縣 清河縣

第四區 憲兵第三隊調查

定興縣 容城縣 徐水縣 清苑縣 滿城縣 完縣 唐縣 西陽縣
阜平縣 行唐縣 靈壽縣 平山縣 望都縣 定縣 新樂縣 正定縣
獲鹿縣 井陘縣 藁城縣 藁城縣 元氏縣 趙縣 高邑縣 贊皇縣
臨城縣 柏鄉縣 隆平縣 堯山縣 內邱縣 邢台縣 沙河縣 永年縣
邯鄲縣

第五區 憲兵第二隊調查

鉅鹿縣 廣宗縣 威縣 任縣 平鄉縣 南和縣 鷄澤縣 曲周縣
肥鄉縣 廣平縣 成安縣 磁縣 大名縣 南樂縣 清豐縣 濮陽縣
東明縣 長垣縣

以上五區共計一百零八縣

河北省各縣沿革誌畧（戰區除外）

宛平縣

宛平之為縣始於遼。釋名曰燕宛。取宛宛然以平之義。在遼以前自秦至隋與大興同為薊縣。嗣析薊之西界置幽都縣。薊始分為二邑。相沿至遼復改幽都為宛平。歷金元明清而不易。按其疆域實居禹貢冀州之地。禹析冀州東北界為幽州。周武王封召公奭於燕。燕即在幽州境內。俗稱幽燕者是。秦併天下罷封建置郡縣。遂以幽州為漁陽上谷地。漢元鳳初改為廣陽郡。晉唐曰范陽。至石晉時地入契丹。升為南京幽都府。後改析津府。號燕京。宋宣和中金得之以歸。宋立為燕山府。未幾又入於金。稱燕京。旋復改燕京之名為永安。其府曰大興。至元初建中都。屬大都路。復立順天路。明洪武改設北平布政使司。以大興府為北平府。稱省會焉。永樂中遷都北平。易府名曰順天。附郭者二邑。東為大興。西為宛平。縣治在地安門外。迨西積慶坊。至民國十八年四月因省市劃界。北京改為北平。特別市宛平縣遂遷移平西蘆溝橋。

古蹟名勝

蘆溝橋 在宛平縣蘆溝橋鎮內。金章宗明昌初所建。跨永定河上。為往來之大道。長二百四十步。計十一空橋。上兩旁石欄。凡一百四十柱。柱端各鑄一獅。獅身無一同者。

石景山 在石景山車站南數里。一名石經山。山間石祠甚多。相傳為明劉瑾督團營時所鑿。山頂有寺。俯視永定河環繞如帶。

隆恩寺 在三家店站北三里。金大定四年秦越公主建。名天惠寺。明正統中改隆恩寺。寺東有大塚。三製如王陵。

潭柘寺 在門頭溝西潭柘山。青龍潭上。因有古栢千章。故名。清康熙間重建。寺宇開鑿山道。易名岫雲寺。寺內規模宏麗。有御書匾額。福海珠輪並心經及心經圖。寺後觀音殿中藏玄妙巖。公主拜佛碑。相傳玄妙巖為元世祖女削髮此寺。頂禮大士。兩足痕幾透碑背。明萬曆中孝定太后迎入大內。儲以紫檀木匣。後送還寺中。今仍陳列。几案不輕啟。示人寺。

後山腰有龍潭方廣丈餘有亭翼泉上四週奇石林立

妙峰山 在縣城西北山上有娘娘廟每屆舊曆四月間前往燒香者頗多

百花山 山上花草齊全每屆春夏秋三季前往此山採標本者甚多

大興縣

大興在周初屬薊國春秋周封召於燕遂為燕國都秦置薊縣屬上谷郡漢初仍為燕國都至元鳳中改為廣陽郡治遼初改為薊北縣開泰元年又改曰析津縣金貞元二年始改曰大興至今沿用之

古蹟名勝無

良鄉縣

良鄉縣在高貢屬冀州地周屬幽州春秋戰國屬燕國為中都漢置良鄉縣屬涿郡晉屬范陽郡元魏仍屬涿郡至隋後屬幽州唐併廣陽舊地入良鄉縣五代後唐移良鄉於今縣治迄今仍之

古蹟名勝

燎石崗 在縣城東上有多寶塔俗名昊天塔建於隋代唐尉遲恭重修

五級高十五丈四面有門梯級環上今故廟已蕩然無存而塔仍巍峙

樂毅墓 在縣城南三里墓地約佔三畝高丈許

龍泉山 在縣城西十五里下有石龍口出泉不竭東流入燕溝河

房山縣

房山縣在秦前屬幽州為燕國地至秦屬上谷郡漢王莽均屬涿郡之良鄉縣治金屬中都路大興府改稱奉先縣至元始改為房山縣迄今仍之

古蹟名勝

尚崖 在縣城北十里磁家務村下有孔水洞由崖身出冬溫夏涼洞上有

唐是為佛堂內有刻佛像琳瑯滿壁

上房山 在縣城西四十里奇蹟頗多如華嚴洞雲水洞雲梯卷等處四季遊

人不絕

釣魚台 在縣城北十數里石梯坡西背山面溪境頗幽勝

涿縣

涿縣在漢為西鄉縣地屬涿郡唐初為涿縣旋改名范陽縣五代迄元仍之明升為涿州清因之民初始稱涿縣

古蹟名勝

石虎山 在縣城西五里因有二石狀似虎故名相傳為漢中山簡王之宅但碑墓已無跡可考

樓桑里 在縣西南十五里為漢昭烈帝里有昭烈古廟遺跡

桃莊 在縣西南六里許為漢張桓候故里遺址猶存

盧家溝 在縣東十五里為漢盧植故里其子孫仍世居於此

龍泉山 在縣西北五十里風景甚佳雨後光華絢爛有如圖畫時見雲氣騰擾如龍

固安縣

縣之沿革固安為首屬冀州之域春秋戰國均為燕地史載趙將李牧伐燕取

武遂方城方城即固安也秦屬漁陽郡漢初仍置方城縣屬廣陽郡並分置

臨鄉侯國後漢將方城改屬涿郡臨鄉魏於方城之外並置長鄉縣屬范陽國

晉因之北魏置方城如故改長鄉為長鄉屬范陽郡北齊悉省隋開皇九年

置縣即今涿水縣後移於此取漢改安名以為名屬幽州是為今縣得名之始

唐初以固安縣屬北義州後義州廢復屬幽州宋屬涿州元初屬霸州旋改

屬大興府中統四年升為固安州屬大都路明洪武初降為縣屬順天府清因

之民國三年改順天府為京兆特別區仍屬京兆十七年改省名併京兆入河北

省固安亦隨京兆來屬

古蹟名勝

蓮華奕世坊 在城內北大街為一石建過街碑建於明萬曆三十九年為石特

鄧鄂光復之紀念碑現尚完整

狀元坊 位於城隍門內為一木質匾額書狀元及第四字建於明正德年間

係辛巳科第甲一名楊維聰之紀念坊

兄弟塚 在城東五里郭村外係明正德年狀元楊維聰榜眼楊維傑之墓石供遺址因距永定河甚近已被水冲淤

王莊簡公墓 係明官官王騏之墓在城西門外西關西口碑碣已殘

楊駙馬墓 在城西大辛莊為明萬曆二十五年駙馬楊春元之墓石供尚在
修文廟講堂碑 在縣城內學宮已殘缺

千佛鼎 為一銅質鼎高七尺徑五尺上刻佛像千尊鑄於明成化年原置於縣城南關千佛菴現因廟廢移置城內西街縣立鄉村師範學校

永清縣

永清禹貢為冀州之域春秋戰國為燕地今縣為燕方城東境秦屬上谷郡漢為益昌縣地屬涿郡晉為安次方城二縣地隋大業時於今縣西五里置通澤縣治廢唐如意元年析安次置武隆縣景雲元年改曰會昌天寶元年改曰永清屬幽州是為今縣設治得名之始宋初霸州防禦治永清縣景祐時省入文安元復置屬大都路明屬順天府清因之民國三年改順天府為京兆特別區屬京兆十七年

四

改省名併京兆入河北省遂自京兆來屬

古蹟名勝

唐幃石 在縣城東南隅古刹內石之四面造武則天像其下字多湮滅

通澤村 在城西五里隋時通澤舊址

丞相墓 在焦代村有元丞相史天澤墓碑碣尚存

韓城 在城南八里尚有韓淮陰城遺址未湮今為韓城村

六郎臺 在縣城東南十五里南門村有武毅漢軍臺臺土人稱六郎臺上有古刹

六郎城 在縣城東南十五里信安鎮跨永霸兩縣為宋將楊延釗舊砦路旁有石碣題曰霸州信安軍其城週約四五里遺址隱約可辨

安次縣

安次縣由漢迄宋均為安次州元改為東安州明洛為縣清因之民初始改稱安次縣

古蹟名勝

聚燕台 在彰南東南十里有阜高丈廣三四丈日聚燕台不詳建於何代每值秋社燕類於南旋時必千百聚此呢喃一百始分翔而去以故得名

點軍台 在縣西十里左奕村宋時為左奕衛有台高一丈六尺周一百二十步制如土樓傳為元人點軍於此

偃虹堤 在縣城南四十里其堤自甄家莊經葛漁城抵穆家口形如虹綿亘十里南界淀河北界城河兩水相夾秋月澄潭一鏡中分雙珠乍吐落天邊之雁盤夜底之魚散步其間清興欲絕

深水縣

深水古為幽燕之地秦屬上谷郡漢置遼縣屬承郡晉至南北朝仍之屬范陽郡後周時改屬^屬承縣隋文帝開皇初廢范陽郡為遼縣更置范陽縣於遼時郡屬幽州開皇六年改為固安縣十年置永陽縣十八年始改為深水縣煬帝大業初仍名深水屬上谷郡唐初因之肅宗乾元元年改容郡為涿州五代時深水仍歸於涿州至遼改隸於南京道宋徽宗宣和四年改屬遂武郡金元改屬易州

明洪武元年改隸於保定府清初仍之雍正十二年升易州為直隸州屬於直隸省不久黃昌均屬焉民國改元隸屬直隸省保定道至七年改省名隸於河北省

古蹟名勝

道縣故城 在縣城北里許為北漢時所置遺跡尚存

樊家台 在二區橋家台村秦將樊於期之燕時曾居此

金山 在第二區晏村之西北上有寺曰靈泉寺蒼松翠柏古木參天中有巨松二作巨鳥巢形詢為奇觀現有龍潭羣民天日求雨至此取水輒多靈驗尤

奇聞也

石圭山 在石圭村西南山之南麓有潭一水質清澈樹木森鬱夏季遊人多趨於此

龍門山 屬第三區為該縣北鄙要塞上有城背山而水西門外懸崖峭壁中夾清水河崖上刻有萬仞天關夫峻拱之龍盤虎踞飛騰高壘等字自下望之字大三尺詢勝蹟也

易縣

縣之沿革易縣禹貢為冀州之域屬幽州商因之春秋屬北燕戰國屬燕地秦為易州屬上谷郡漢初為固安縣後更名易縣屬涿郡晉改為范陽國隋初置昌平郡尋改易州旋更置易縣仍屬上谷郡唐初復以上谷郡為易州改易為高陽軍旋復為易州隸成德軍節度使宋因之後契丹破易州置高陽軍嗣宋約金滅遼陷高陽軍復改為易州隸河北東路元仍之屬中都路後改為易縣隸保定路明改路為府仍改易縣為易州隸北平行中書省後復為易縣屬保定府清升為直隸州民國二年改為易縣三年設道屬直隸保定道十七年改省隸河北省

古蹟名勝

燕故城 在縣城東南戰國時燕都於此今城址尚存

荆軻山 在縣城西昔燕丹館荆軻於此後建碇山上每年二月掛幡一次以招

魂靈

燕昭王墓 在縣城東晉陵在縣城西有帝陵四台陵三

洪崖積雪 即洪崖山高可萬仞每至四五月山頂尚積雪

雷溪春濤 在徐家河上流鍾家店北有一水坑名曰雷溪其水自上而下驚濤

飛瀑其聲如雷能聞數里

雲濤山 乳水洞 洞闊而深內生石室四時凝滴雖盛夏冷氣逼人

來源縣

○ ○ ○ ○ ○ 來源縣禹貢為冀州之地周屬并州春秋屬代國戰國時屬趙燕置廣昌縣屬代郡漢初改飛狐縣後仍為廣昌新莽時改曰廣屏東漢仍為廣昌屬中山晉復屬代郡南北朝周為五龍城隋屬易州唐屬蔚州五代後仍屬代州宋升飛狐軍復為飛狐郡元改為來源郡明初復改為廣昌縣洪武時屬山西大同府蔚州嘉靖時初屬宣府後屬大同崇禎時改為靈昌州併治靈邱廣昌二縣後復為廣昌縣清初之雍正三年改歸直隸屬易州民國三年設道屬直隸保定道改為來源縣十七年改省名隸於河北省

古蹟名勝

楊六郎墓 在縣城南范家莊

孟良寨 在縣東三十里

縹緲樓 在縣東為明嘉靖三十八年指揮孫策所造今已無存

關院寺 在縣城內為漢明創建

東嶽行祠 在縣東有唐天寶三年所建之古塔

白石山 在縣城南三十里望山上行雲可知陰晴有白石晴雲之景

北石佛 在縣西十里有寺名香山寺日落時因有紅光故有香山返照之稱

飛狐口 在縣北約六十里位於涞源蔚縣交界處山中斷壁高聳中有夾道
延長四十里有飛狐鐵壁之稱

登梯寺 在縣之西三十里井字會附近山上因赴寺必須攀登木梯其梯設於
山中瀑布之旁故有登梯瀑布之景

朝陽祠 在縣西北三十里青龍山有寺名為朝陽祠因該寺日出日落均向

陽其後殿有建修之石洞故有古祠朝陽之景

新城縣

沿革新城縣西貢為華州之地春秋戰國皆屬燕國秦屬上谷郡漢初以燕督
元地置新昌縣屬郡後漢廢之歷魏晉以及北魏北齊均未設治隋為固安
縣地唐大曆四年分固安復置新昌縣大和六年復分新昌縣以故督元地置
新城縣是為今縣設置得名之始五代後晉入契丹宋宣和時金將郭約師以
涿州來歸賜郡名曰涿州并威行軍節度賜新城名曰威城口尋又沒於金元初改
名新泰并為州旋仍復為新城縣屬保定路確州明屬保定府清因之民國三
年廢府設道屬直隸省保定道十七年改省名河北廢道隸於省

古蹟名勝

白溝河 即宋遼分界處宋建炎淵聖北轉渡白溝河張叔夜隨行道中不
食過白溝河御者曰過界河矣叔夜瞿然仰天大哭扼吭而卒

武清縣

武青禹貢為冀州之域春秋及戰國為燕地秦屬漁陽郡漢於其他置雍奴縣並設泉州縣仍屬漁陽郡魏晉時因之均屬燕國北魏太平真君時併泉州入雍奴屬漁陽郡隋廢屬涿郡唐初猶名雍奴至天寶時改名武清屬幽州范陽郡是為今縣得名之始宋屬燕山府元屬大都路之薊州洪武間降郭州為縣改屬順天府清因之民國三年改順天府為京兆特別區屬京兆十七年改省名并京兆區入河北省遂自京兆來屬河北省

古蹟名勝無

天津縣

沿革天津縣之名明以前未設治故不著其地為禹貢冀州之域春秋及戰國為燕地秦屬上谷郡漢為渤海郡之五平武縣及漁陽郡之泉州縣魏晉均為燕國與章武國之領域北魏隸於漁陽章武二郡隋屬渤海郡唐屬滄州宋屬清州元為靖海縣之海濱鎮明永樂時置天津衛是為今縣得名之始清雍正二年改衛為州九年升州為府為增郭縣分縣之疆域始定光緒時已收回未收回各租界地入天津市疆域

古蹟名勝

- 水西莊 在城西三里許是查心毅居士著書處今名芥園
- 獨河堤 在城東北距城三里俗傳早年塌陷為窪周圍約有百餘里遇陰霖天時能見城池幻影
- 南甲寺 一名慶國寺在大直沽距津東車站約八里許
- 法鏡閣 在城南建自唐貞宗時中有藏經全卷前清无緒時燬於火至今遺跡尚存
- 老光寺 在城南五里許清康熙甲申年建初名普院寺
- 望海寺 在天津縣東北角運河北岸寺前有望海樓清乾隆九年重修題額曰瀛海慈陰
- 天后宮 在東門外俗稱娘娘宮元泰定三年八月作天妃宮於海津鎮明永樂元年重建至今香火極盛
- 曹公祠 在西門外大街是祀清督吳大澂王僧格林沁祠堂
- 丁公祠 在河北大王廟旁為清曹國藩公祠
- 謝公祠 在石橋胡同後邊清同治初年屢著戰功故修祠祀之
- 懋公祠 一名双忠祠在北門外永豐屯為清咸豐年天津知縣謝子澄生祠
- 金鋼懸公祠 在城內鼓樓大街為張恩生祠
- 張公祠 在鼓樓北大街為張錦文生祠
- 費宮人故里 在鼓樓東即費家胡同有邑紳華世奎題額
- 八里台 在城南約十里為慶字年鼎公廷提帥(全成)死事處現建墓亭有荷花甚多中外人焉再往遊者甚夥
- 中山公園 在河笑路清光緒末年袁項城督直時所建園內有宣統三年先念南宮縣張氏烈士華世奎題額之碑文

靜海縣

霸縣禹貢為冀州之地春秋屬燕國漢魏六朝迄乎隋唐為平舒章武長
蘆永安會川悉統於青縣宋為清州富子此名金置清海縣隸清州河北路元
為燕南河間路明改靜海屬河間府清初因之雍正三年屬天津州九年設天
津府以縣屬焉民國三年設道屬直隸津海道十七年改省名河北遂隸屬
河北省

古蹟名勝無

霸縣

霸縣禹貢冀州之地春秋戰國均屬燕國秦屬上谷郡漢始置益昌縣屬
豕郡晉屬章武國地隋屬瀛州唐屬永清縣至後周顯德六年取益津關
置霸州仍置永清縣為州治以鄭州之文瀛州及大城來屬宋稱永清郡金稱
益津縣元稱霸州以固安東安二縣來屬明因之以文安大城保定三縣來屬清亦
因之改文安大城保定直隸順天府民國二氏改州為縣三年順天府改為京兆
特別區仍屬京兆十七年改省名劃屬河北省

九

古蹟名勝無

新鎮縣

昭新鎮縣禹貢為冀州之地唐仍屬冀州虞分為幽州殷夏仍幽州域周
封召公為燕國秦屬上谷漢屬渤海東漢光武十四年屬廣陽晉屬章武國
隋初屬瀛州後屬豕郡邑為豕之新鎮地唐屬幽州五代石晉割以賂契丹屬析
津府(析津府即後順天府)後周顯德六年世宗置霸郡而邑屬焉宋太平興
國六年置平戎軍至道三年邑屬河北路景德初澶淵之後契丹遣韓杞來請
周世宗索取閭南地不許改保定軍宣和間改軍為縣屬鄭州七年沒於金仍
為保定軍屬雄州元初省入析津縣仍屬霸州明洪武七年入霸為保定社
洪武十四年復置保定縣屬霸州清因之仍名保定縣屬順天府民國三年
設道屬直隸省津海道改名新鎮縣十七年改省名為河北乃隸屬河北省

古蹟名勝無

文安縣

考車史記趙分晉得趙間又得渤海郡之文安自趙屬渤海郡後漢屬河間國晉屬章武國魏屬張武郡隋屬河間郡唐初屬瀛州後屬鄆州景雲間仍屬鄆州後周屬霸州宋遼金元明因之清初復因之後屬順天府民國三年設道屬津海道十七年改省名隸屬河北省

古蹟名勝

廣陵城 在縣城西北十餘里有古廣陵城廢址為宋代積粟之所

蘇橋鎮 傳為宋蘇老泉所建故名蘇橋

孟母台 在柳河鎮西有孟母台遺蹟傳為宋將孟良藏母之所下有洞極深

大觀碑 在城內孔廟為宋徽宗手書惜已殘缺

勝芳淀 即泉淀之西北隅多荷芡宋明啟夏菡萏飄香不減西湖佳勝有勝水

荷香之稱

大城縣

考車大城縣禹貢為冀州之地戰國屬趙國漢始置平舒縣屬渤海郡魏於

縣置章武郡晉為章武國後趙因之前燕改章武郡唐改曰大城縣屬瀛州(即今河間)後周屬霸州宋金元明及清初因之雍正六年改屬順天府民國三年改屬直隸津海道十七年改直隸為河北乃屬河北省

古蹟名勝無

青縣

青縣位於運河西岸禹貢為幽冀之地春秋為青國漢為參戶縣地屬渤海郡晉為章武縣地屬章武國隋為長蘆縣地屬河間郡唐改屬乾寧軍五代晉屬寧州周始置永安縣宋初因之嗣廢為鎮旋復置乾寧縣金為百州元因之明改青縣屬河間府清因之後改屬天津府民國三年設道屬直隸津海道十七年改直隸為河北乃隸屬河北省

古蹟名勝無

滄縣

考車滄縣禹貢為兗州之地春秋時屬齊戰國屬燕遂為齊燕交壤之地

三臺屬上谷郡漢置郡縣屬渤海郡迄於隋併入河間唐時為滄州景城郡
魏河北道宋金兩代仍為滄州景城郡元時為滄州隸河間路明洪武元年設
州治隸北直隸河間府清雍正七年升直隸州領縣四至九年設天津府以州
隸之其領縣分別隸於天津河間民國三年設道屬直隸津海道改為滄縣
十七年直隸省改名河北乃隸屬河北省

古蹟名勝

開元寺鐵獅

在滄縣城東舊滄州高一丈七尺長一丈六尺惟已殘缺

望海寺

在城東為周穆王東八駿東遊海上時所造

文昌閣

在城內係周世宗所造之狼烟台

聞遠樓

在縣政府東高約七丈閣內有一巨鐘叩之聲聞數十里

水月寺

在城北為明末鉅公名士隱居之所所謂禪林水月即此也

鹽山縣

鹽山古為兗州屬地諺稱九河下稍之域春秋時九河漸淤齊人始據有之所謂

十一

饒安者也至嬴秦始設柳縣在漢時則兼有四縣之地為柳縣及高城全境與
武章之南境千童之東境是迄漢靈帝時又改從古名饒安魏時隸於渤海彭
武二郡北魏時統為漁陽郡隋初始有鹽山之稱唐又改稱東鹽州宋明隸
屬滄州元明因之清雍正改屬天津府民國三年劃歸津海道十七年改省名
遂隸屬於河北省

古蹟名勝無

慶雲縣

慶雲古為兗州域周屬齊之無棣漢改陽信縣晉因之屬樂陵後魏北齊皆
因之復稱樂陵郡隋仍以縣隸渤海郡開元六年析陽信北境置無棣縣太和
二年以縣隸州尋改隸滄州五代守初因之元初併入樂陵縣隸棣州曰棣又割
無棣之半置縣曰東無棣隸棣州北則稱為西無棣明洪武初廢之六年析樂安州
北地置慶雲縣隸河間府滄州清因之雍正七年改滄州為直隸州九年改屬
天津府氏三設道屬於津海道十七年改省名乃屬於河北省

古蹟名勝

無隸城 在縣城東南約五里許周圍八里隱隱有八門傳即齊代無隸城故墟
掛甲口 在縣東四十里相傳漢韓信伐齊時掛甲於此

板打營 (即板營鎮) 在縣東南十里許明宣宗征高煦時駐軍於此以板
權為營

卧龍崗 縣東重高津河中土阜隆起蜿蜒而東形若卧龍四望土晴原碧
氣景緻甚奇有龍崗晴聲之稱

慶雲台 在縣之西門外有一高墟上建廟宇十一座經前主席于學忠命為慶雲台

南皮縣

南皮古為充州之域周室東遷後併於齊惠王十三年齊侯復畀於燕遂為燕
齊交壤之地齊桓公伐山戎至此繼皮革因築焉名曰南皮秦置縣漢屬渤海郡
三國魏晉因之東魏移郡治於東元南皮屬之北齊後周因之隋屬滄州唐武德
四年屬觀州貞觀元年改屬滄州長慶二年屬景州大和四年遷屬滄州景福元

年又屬景州後周顯德二年仍屬滄州宋因之建炎三年沒於金元屬河間路明
屬河間府清初仍隸直隸省河間府雍正七年屬河間府倉州乾隆三年九年改屬
天津府民國三年改道改屬直隸省津海道十七年改省名乃直隸河北省

古蹟名勝

皮城 在縣城北十里許昔齊桓公繕皮革於此遺跡猶存

三壘城 漢宣帝封河間獻王子雍為景城侯於此今猶遺址畧存

射雉台 在縣城北半里許為昔齊桓公射雉處今猶高峻又後漢一國時

魏武帝嘗於南皮射雉一日曾射三十六隻

釣魚台 距縣西十里傳昔姜太公望在困棘津時曾釣於此

尹吉甫墓 距縣西十里黃家窪清高宗東巡時曾遣曹秀先致祭立石題

周卿士尹吉甫墓今猶宛焉

興化寺 在縣城內東北隅為明初所建我然魏立寺門內有石刻金剛

二各高丈有奇分立左右像甚威猛前殿樹古佛一尊高丈餘中殿塑十八

羅漢羅列兩旁中為一蓮花石座上塑十手千眼佛像形態凶惡刻工精巧殿內有張之洞題匾多種頗具形勝

東光縣

東光為首為兗州之地春秋屬晉國戰國屬趙國秦屬上谷郡漢置東光縣屬渤海郡魏晉及北魏屬北齊隋屬觀州唐廢觀州置景州移治東光因廢州而設定遠軍守宋改為永靜軍均以縣為軍治金復設景州東光屬焉元明因之清始降景州為縣與東光均屬河間府民國三年廢府設道屬直隸省津海道十七年改省名河北廢道屬省按東光隸屬雖迭有變更縣名迄未更改

古蹟名勝

護邑嶺又名二郎崗 在縣城西門外有土崗高七公尺長二百尺寬十尺嶺上廟宇巍然松栢蒼翠傳為三代遺蹟
燕友台亦名燕台 在城北二十五里傳為魏文侯為五官中郎將時所築時携諸友遊賞於此故名舊屬南皮今屬東光

鐵菩薩陸廟 在城內有鐵鑄菩薩一座身高約三丈五尺(坐像)傳為列國時所建

吳橋縣

吳橋古為兗州地戰國時屬趙地秦漢間迭屬幽州青州冀州等域晉魏五代時為青冀兗州之安陵將陵等縣宋代始有吳橋之名屬滄州金就其中割以立縣元明間屬河間府景州清雍正九年降景州為縣而以吳橋直屬河間府民國三年廢府設道以吳橋屬渤海道旋改津海道民國十七年廢道改省名河北乃屬於河北省

古蹟名勝

碧霞宮 在城東南里許河堤上今改為中山公園

祭風台 在城南半里許古堤上高似土山入夏人多往登臨納涼

唐 槐 在縣城北門外真武廟內有古槐樹一株傳係唐代遺植圍約

一丈八尺高二丈四尺枝幹紛被佔地畝許

范文忠公墓 在城西南三里許內有方震孺文憲並撰書墓碑

孫武清公墓 在城東南八里有孫贖墓墓旁建有孫公廟內懸劉石菴手書老心同會匾額所鑄青石牛高約三尺長六尺週身細白紋作虫魚狀石質細潤西人博物院中恒多此種石所製零星小品若是龐大者則罕見有

寧津縣

寧津縣禹貢為兗州之域三代為鬲國地春秋屬齊戰國屬趙為臨樂邑秦名胡蘇亭(即城西保店)西漢因之至新莽時改名樂亭縣三國魏改名新樂縣晉因之東魏改置胡蘇縣隋因之唐天寶元年改為臨津縣宋熙寧六年縣廢省入滄州宋高宗南渡後金復置臨津縣天會六年城圯於水乃徙于五里僑焉改名寧津即今縣治之始歷元明清以及民國無变革焉

古蹟名勝

長官舊治 今尤稱為長官在縣東北四十里元史百官志至元三年於河間滄州間置長官司秩設達魯花赤長官副長官各一員今之長官鎮即昔日

長官駐劄之遺址也

胡蘇亭 為秦所置郵遞停息之所東魏改置胡蘇縣唐改臨津其故城即今縣境西南于五里保店

獻縣

獻縣乃由東漢河間獻王得名即封建時代邑之所由始也在禹貢分為九州所謂提封千八百國者不可得而考也自秦置郡縣而所傳者亦僅列郡之名而已唐以陸贄建議沿革之制史冊乃有徵焉按獻之在唐於九州屬冀虞於十一州屬夏於九州屬冀周於九州屬幽七國屬燕秦屬齊郡上谷二郡地漢屬樂成河間國王都冀州都刺史所領中水阿武並隸涿郡建成成平景成並隸渤海郡二州皆幽州都刺史所領東漢(省阿武景成建成三縣)樂成中水成平並屬河間王國魏晉(趙燕秦附)樂成中水成平仍並屬河間王國北魏樂成中水並屬河間郡成平屬武郡二郡皆瀛州都所領隋(省中水成平增景城)樂成即故樂城初改為廣城後改此名景城本漢故縣二縣初並屬瀛州後並屬河間

郡唐樂壽初屬瀛州後改屬滄州二州並河北道所領後五代樂壽屬深州景城屬滄州宋後省景城樂壽屬瀛海宣景城屬滄州並河北東路所領金增州獻州河北東路所領樂壽縣屬獻州元獻州河間府路所領樂壽縣屬獻州明省州獻縣屬河間府清因之民國三年廢府州設道屬津海道十七年省改名河北乃屬河北省

古蹟名勝

漢獻王墓 在縣城東八里許

長城故堤 係自武強入境至河間凡長八十里高約三四丈餘惟時斷時續

四山不顯 距縣城東十餘里上有廟旁多樹木夏日居民多往遊覽

武強縣

武強為首為冀州之地春秋屬中山國戰屬趙秦屬上谷郡漢初置武強縣屬河間國後漢改曰逐屬安平國晉初因之惠帝時析武強置武強縣屬武邑郡是為今縣得名之始北魏皇始中徙武邑郡治於武強北齊廢郡並省入武強縣隋屬信

五

都郡唐自武德迄永泰間由冀州改屬深州凡三後仍屬冀州宋屬深州元初於縣置東武州武強為州治尋州廢還屬深州後又割屬祁州終屬晉州明因之清初仍因之雍正三年改屬深州民國三年廢府州設道屬直隸省保定道十七年改省名廢道屬河北省

古蹟名勝

楞嚴寺 在縣城內東北隅內有鐘註明代造字樣邑人稱楞嚴晚鐘即此

八提圍 縣城四週傳自宋代建為楊大郎滌水淹北軍者邑民稱長堤春色者此也

然元墓 在城西夾塘村元時狀元牛志元墓尚巍然存在

交河縣

交河縣禹貢為冀州之域春秋屬晉戰國屬趙秦屬上谷郡漢初置建城縣並分置成平縣均屬渤海郡後漢省建城入成平屬河間國魏晉因之惟魏屬河間國晉屬河間郡北魏延昌中徙成平置景城縣隋初復為成平後

仍改為景城唐武德時景城由滄州改屬瀛州宋熙寧時省景城為鎮入樂壽
河間府後入於金大定七年析樂壽之後家園置交河縣屬獻州是為今縣得名
之始元至元間省入樂壽尋復置仍屬獻州明初因之洪武四年改屬河間府
十七年省入獻縣旋復置今縣之疆域始定清因之仍屬河間府民國三年廢
府設道屬直隸省津海道十七年改省名廢道屬河北省

古蹟名勝

甯堡 在交河縣城西南為甯建德屯兵之處今改為甯莊屯

馬廻台 即齊之義昭台

蓮花池 在縣城西關外為石崇植花之處

秦強縣

秦強縣禹貢屬兗州之域春秋屬齊後為晉戰國屬趙秦併六國後其他
屬鉅鹿郡至漢始置秦強縣屬冀州清河郡又置廣川屬信都國東漢省
強入廣川屬冀州清河國三國魏因之晉時以廣川縣屬冀州渤海郡尋復置是
強縣屬廣川郡北魏改屬冀州長樂郡後置廣川索盧二縣尋併入廣川後復置
之北齊仍屬長樂郡廢廣川索盧二縣併入焉周因之隋屬冀州信都郡唐屬
河北道冀州五代屬成德軍冀州宋屬河北東路冀州金屬河北東路河間府
冀州元屬真定路冀州明屬直隸真定府冀州清初因之後直隸布政司陝
冀州為直隸州秦強仍屬焉民國三年改縣設道屬直隸省大名道十七年改
省名河北廢道屬省

古蹟名勝

賣漿台 在縣城北劉里倉口村有太公賣漿臺按胡志云相傳太公避紂築

臺賣漿於此今遺跡尚存

董子像 在城東舊縣後街村為董仲舒石像相傳此村即董子故里

景縣

景縣禹貢為冀州之地春秋屬晉戰國為趙之東鄰秦併六國屬鉅鹿郡漢
置修縣初屬信都國後漢屬渤海郡並於其地分置修市龍維二縣修市屬

勃海郡龍維為平原郡是為今縣疆域後漢均有惟修市歷魏晉及北魏相承均屬勃海郡隋改修曰修並分置觀津縣後仍省入修屬信都郡唐始析滄州之弓高(地在文河)東光臨棗等三縣置景州是為今縣得名之始而修仍分置如故宋以景州屬承靜軍金以修屬景州元始移景州來治後為州屬河間府民國三年廢府明洪武時省修入州領吳橋東光故城三縣清降為散州屬河間府民國三年廢府設道改州為縣屬直隸省津海道十七年改省名河北廢道屬省

古蹟名勝

漢蔣侯墓 在縣城西門外又名周亞夫墓

漢董仲舒瞭書臺及董子祠 在縣城東門內

舍利塔 在縣城北門內開福寺塔作十三級異常壯觀

故城縣

周車軒轅畫野帝嘗分州堯列九州舜肇十有二州禹貢九州周官職方所載故城屬兗州境春秋分屬魏屬齊戰國曾屬燕後屬趙秦得天下能諸侯遂屬東郡

一七

漢置厝縣晉為東武城北魏曰武城自漢至隋屬清河隋至今屬貝州恩州俱今山東恩縣城東漢末改名甘陵隋始置厝縣時東武城已并入武城城厝唐借入今境漳南屬馬唐武德間漳南省入厝唐時恩故兩邑均為厝唐縣貞元五年始於河北置故城縣宋時河北之厝唐殆仍舊舊名故城者故厝唐城也金明昌五年廢入恩州厝唐御河南特築新城治厝唐而於唐故長河舊治置上故城鎮於時河南北又均為厝唐元初復為故城縣至元二年又廢縣為鎮割入陵州二十三年復置故城縣為景州時恩境之厝唐亦省入恩州明屬景州屬河間府與元同清朝因之雍正二年乃徑隸河間府民國三年廢府設道隸津海道十七年改省改屬河北省

古蹟名勝

澹村 傳為澹臺湖湖故居

董慶村 為董仲舒下帷處

寶塔亭 在城北為寶塔德起吳漳南鎮時駐兵之地

佛頭井 即碧琉璃井在城內十字街路西徐家店中入夜燃燈燭之井殊瓦

琉璃仿佛頭

巨塚 亦在城內傳為漢安帝生母耿貴人墓

阜城縣

阜城古為冀州之地春秋戰國屬趙秦屬上谷郡漢始置阜城縣屬渤海郡並於其地分置蒲領弓高縣蒲領旋廢弓高至魏時亦省惟阜城如故晉因之仍屬渤海郡北魏改屬武邑郡隋屬信都(即今冀縣)唐初屬魏州後屬冀州五代梁時改名漢阜旋復故名宋屬永靜軍嘉祐中省縣為鎮入東光縣熙寧中復置之元屬景州明屬河間府清因之民國三年廢府設道直隸大名道十七年改省名河北廢道屬省

古蹟名勝

劉鱗橋 在城北八里之劉鱗橋村為齊劉豫之子劉鱗所創

留駕井 在城南十里為漢光武帝巡河北時泉湧出遂駐蹕焉故名

一店 在城北皇店村為明成祖駐蹕之所

大

琴臺 在縣西北塘下水中為松原村村舍之處

武邑縣

武邑古為冀州之地夏為武羅國周屬并州春秋屬晉東陽地戰國屬趙秦屬鉅鹿郡漢初始置今縣與觀津東昌并隸信都國景帝時改隸廣州國哀帝復隸信都東漢屬安平國安帝時廢東昌入武邑魏及晉初隸安平至武帝太康十年置武邑郡治武邑後移治武強至北齊武邑郡縣並廢隋後置縣隸信都郡廢觀津入之又分武強置昌亭旋廢昌亭入之乃成今日之疆域唐隸河北道冀州五代隸成德軍冀州宋隸河北東路冀州金隸河北東路都總管府冀州元屬直隸路冀州明屬直隸真定府冀州清因之至雍正三年改冀州為直隸州仍以武邑屬焉民國三年廢府設道屬直隸省大名道十七年改省名河北廢道屬省

古蹟名勝

富貴山 在城東十八里奇家村按史記索隱富貴者河瀾津人漢孝文皇后之父少遭秦亂隱身漁釣墜淵而死景帝立追封為定侯太后遣使者博父所墜之淵

起大墳於觀津城東後人號為竇氏青山云

衡水縣

沿革衡水縣地為古冀州之部縣肇於隋隋書地理志開皇十六年河北大使郎蔚之割信都(今冀縣)武邑(今武邑縣)下博(今深縣)三縣地置衡水縣屬信都郡唐武代宗
造元初信都時稱郡時稱州時稱軍國及節度而邑地迄未改屬至中統二年以衡水
縣隸深州而統於真定路明改路為府清初改真定曰正定屬未改雍正二年升冀州
為直隸州統於保定領縣五衡水遂屬冀民國二年廢府州為縣通省設四道以
衡水屬大明道十七年道制廢直隸河北省

古蹟名勝

石塔造像 唐神龍元年造在北田村寶雲塔

安濟石橋 在縣西門清乾隆年縣令陶淑清建

郎子橋 在郎子橋村傳為王郎追劉秀到此故名

孔賢墓 在孔賢莊為唐觀身時大學生孔廟建之墓

安新縣

安新縣禹貢為冀州之域春秋為燕之葛城戰國屬趙秦屬上谷郡漢為薊郡
之高陽縣地隋為高陽河間二縣地唐析河間置武興縣旋改名唐興屬鄭州
宋初廢縣為砦仍名唐興後升為順安軍金始置安州治漶城縣(今廢新安
縣)元移治葛城又分置新安屬保定路明初改州為縣省葛城入新安後復置
州領新安葛城遂永廢屬保定府清因之道光時新置入安州今縣之疆域皆定
民國三年廢府設道屬直隸省保定道十七年廢道改省名河北乃屬河北省

古蹟名勝

淨業寺 在三台鎮之程甚大

西湖亭 在端村鎮為萬曆丁亥年所建今尚存

雄縣

雄縣禹貢為冀州之域春秋戰國均為燕地秦為上谷郡之易縣漢因其名屬薊
郡晉改為易城縣屬河間國北魏復故名屬高陽郡北齊省入鄭縣易縣之名

遂廢隋因之唐武德時改設歸義縣屬幽州後又設北義州於容城歸義縣與五
代晉天福時陷於遼周顯德間取遼瓦橋關以上地置雄州治歸義縣雄之名自此
始宋初於州置廣德軍立因避諱改歸義為歸信景德時與遼議以白溝河為
界縣境因分而為二南為歸信北為遼之歸義元承宗金之舊廢軍治州仍治歸
信縣屬保定路明洪武初省歸信入州後又降州為縣屬保定府清因之民國三
年廢府設道屬直隸省保定道十七年廢道隸屬河北省

古蹟名勝

雄文閣 在縣城東南里許建築宏富歷代名人題匾甚多

任邱縣

任邱縣禹貢為冀州之域春秋戰國屬燕秦屬右郡漢置鄆縣屬涿郡後漢改
屬河間國晉因之北魏屬河間郡北齊改置任邱縣是為今治得名之始隋廢任
邱置鄆縣及利豐縣仍屬河間郡唐析鄆縣後置任邱又析任邱置長豐均
屬鄆州宋移鄆州治任邱仍並置鄆縣為莫亭移州來治任邱如故屬河間路
明首鄆州人任邱屬河間府今縣之疆域始定清因之民國三年廢府設道屬直
隸省津海道十七年廢道改省屬河北省

古蹟名勝

鄭州城 在縣城北四十里即今之鄭州

古州城 在鄭州東北三里即古之鬲頊城

高郭城 在縣城西北十七里為西漢之侯國

鬲城 在縣城南二十六里為漢宣帝武辛群臣在此迎靈帝故名

阿陵城 在縣城東北十里東漢建武二年封將軍任光為阿陵侯國於此

高鵲祠 縣屬鄭州東北八里創建於元重修於明殿宇宏麗每歲四月開會

二十五日

十二連橋 在趙北口為南北各省通衢津保運貨船隻均泊於橋下通過與

長堤烟柳毗連景緻甚佳

高陽縣

高陽縣以在高河之陽故名高首為冀州之域春秋屬晉戰國屬趙秦始皇
置高陽縣屬上谷郡漢初屬涿郡後漢屬河間國魏屬河間郡晉置高陽國
以縣隸之北魏改郡縣為郡治隋廢高陽郡以縣遠屬河間郡唐屬瀛州宋置
順安軍治高陽縣金天會時并順安軍為安州大定時州徙昌城以高陽為屬縣元
因之仍屬安州明洪武八年併縣入薊縣十二年復置永樂後屬保定府清因之民國
三年廢府設道屬直隸者保定道十七年廢道改省名河北為屬北省

古蹟名勝

高陽舊城 在邑東二十五里龍化鄉南宋太平興國元年所置之高陽關亦
在其地

草橋關 在邑西十里三公口周世宗顯德六年復三關以控燕薊草橋即其也
白洋淀 在縣境東北隅淀周圍數十里惟多在任邱安新界內為古來九
十九淀之一

肅寧縣

肅寧縣高首為冀州之域戰國隸趙漢時本武垣縣地隋唐為河間縣地宋熙
寧中置平虜寨即今治景德二年改名肅寧城屬河間府是為本縣設治之始
元至元年廢為鎮入河間縣後復置縣屬河間路明清因之均屬河間府民國
三年廢府設道屬直隸省洋海道十七年改省名河北屬河北省

古蹟名勝

望夫台 在縣城北百餘步傳為宋玉環女望夫楊六郎處現僅為一土壇
武垣城 在縣城東南十餘里土城周迴十六里乃子城三臺舊址尚存傳為漢
時所築漢武帝東巡海上求仙過此聞瓦礫布鼓故事命望三氣者登城物色
之得勾弋夫人以歸後人為之立祠名勾弋夫人祠在武垣城內(該祠每為匪人盤
踞已於數年前焚燬)

河間縣

河間縣高首為冀州之域春秋及戰國為燕南境秦屬鉅鹿上谷二郡漢初置武
垣縣屬涿郡並於其地分置州鄉(屬涿郡)東州(屬渤海郡)二縣後漢併州鄉

入武垣仍置宋州均改為河間國晉魏仍並設縣屬章武郡北魏移河間郡來治武垣並分置趙軍郡城仍置東州如故屬瀛州隋改趙軍郡城置河間縣並省入武垣改東州為東城均屬河間郡(冀州)宋因之金始省東城入河間縣後遂永廢屬河間府(河北東路)元屬河間路明清均屬河間府民國三年廢府設道屬直隸省奉海道十七年改省名河北廢道屬河北省

古蹟名勝

東州故城 在縣城東北六十里即今東城鎮(現城已無存)

高麗城 為唐高宗時所築周約二里聞於征東時獲高麗俘虜因此城內現僅存新續之土圍)

蒲榮台 在縣城內北門迤東傳謂秦始皇東遊海上過此該處有菴甚硬可以繫馬故名

毛公祠 在縣城北三十里堡內有毛長墓

詩經村 為前大總統馮國璋故里馮墓即在其宅後

蠡縣

蠡縣禹貢冀州之域春秋屬燕戰國屬趙秦屬上谷郡漢初於涿郡置蠡吾縣其地為今博野實則今之蠡縣為漢蠡吾縣地後漢於今縣地置博陵縣並置郡遼末郡廢晉秦始開改名博陵屬高陽國北魏景明中改名博野屬高陽郡北齊廢蠡吾縣入博野隋改屬河間郡唐武德五年置蠡州以博野隸之經兩置兩廢後屬深州宋置寧邊軍治博野縣屬河北西路升博野縣為郡初屬寧州後屬蠡州元併博野入州屬真定路明洪武初改屬保定府後改州為縣今縣之名始定清因之民國三年廢府設道屬直隸省保定道十七年改省名河北廢道屬河北省

古蹟名勝

孟嘗村 為齊孟嘗君故里現有孟嘗君墓在焉

杜如晦墓 在大宋村

齊安嬰墓 在華村南

李恕墓 在西曹佐北

霍雲墓 在城西北隅

博野縣

博野縣禹貢為冀州之域春秋為晉地戰國為趙地秦屬上谷郡漢初於今縣置蠡吳縣屬豕郡後漢屬中山國今之蠡縣乃古之蠡也博野二縣古時名實互異魏屬河間郡晉秦始中改名博陸屬高陽國北魏景明中改名博野屬高陽郡北齊省蠡吾縣入焉是為今縣得名之始隋因之屬河間郡唐屬深州宋初置永寧軍博野縣為軍治後軍廢仍為縣屬定州金天會中升博野為郡屬定州後州廢改屬蠡州元初省博野入蠡州旋復置屬保定路明洪武元年始移治蠡吾縣境內屬保定府是為縣名縣治相符之始清因之民國三年廢府設道屬直隸省保定道十七年改省名河北廢道屬河北省

古蹟名勝

平地井 在縣西關外無論旱澇水面常與地平

御耕田 在縣城北即皇帝親耕之處清康熙四十年地幸過博野扶耒終政巡撫李光成曾為之撰文立碑

饒陽縣

饒陽縣禹貢為冀州之域春秋屬齊戰國屬趙秦屬鉅鹿郡漢屬幽州豕郡以縣南有饒水故名饒陽東漢屬安平國靈帝中平元年國除改為博陵郡魏屬冀州博陵郡晉因之北魏屬定州博陵郡北齊屬東北道行台博陵郡後周屬幽州總管府博陵郡隋屬冀州河間郡開皇三年罷郡改為瀛州大業初復為郡唐屬河北道深州五代屬成德軍深州宋屬河北西路深州金屬河北東路深州元屬真定路晉州明屬北直隸真定府晉州清屬直隸深州雍正三年升深州為直隸州以武強饒陽安平隸之民國三年設道屬直隸省保定道十七年改省名河北屬河北省

古蹟名勝

故城村 在縣城南五里相傳為漢時舊治今遺跡尚在

上方台 在縣城東十里劉班寨每屆春日草卉先芳人皆呼為先春台

安國縣

安國縣禹貢為冀州之域春秋屬鮮于國戰國屬趙秦屬上谷郡漢始置安國縣屬中山國是為今縣古名之所由始魏屬博陵郡晉屬博陵國北魏太平真君時曾省安國入深澤縣旋復置北齊廢隋初復置後改名義豐屬博陵郡唐萬歲通天時以拒契丹改義豐名立節尋復故名屬博陵郡宋太平興國時改義豐為蒲蔭景德時置祁州以蒲陰隸焉屬河北西路是為明清以來祁州得名之始元立蒲陰為祁州增祁縣並以東鹿深澤隸之屬保定路明省蒲蔭入州仍領東鹿深澤屬保定府清始降為散州仍屬保定府民國三年廢府設道以縣名與山西祁縣重改改為安國縣屬直隸省保定道是為今縣復古名之始十七年改省名河北廢道屬河北

古蹟名勝

三教菴 在縣城南八里之長仕村

藥王廟 在縣城南關地址寬濶建築宏大

安平縣

安平縣禹貢為冀州之域春秋屬鮮虞國戰國初屬中山後屬趙國秦改封建為郡縣置安平縣屬上谷郡此縣名之所由始也前漢仍置安平縣並於其地分置穀邱縣均屬涿郡後漢省穀邱縣入安平國魏置博陵郡晉置博陵國均治安平北魏北齊均為郡治隋初置深州安平為州治後州廢仍屬博陵郡唐初復於縣置深州尋移州治饒陽縣以安平屬之太宗改屬定州明皇改屬深州五代及宋金俱因之元初升為南平州後復為安平縣改屬真定路深州尋又改屬真定路晉州明屬真定府晉州清初因之雍正時深州升為直隸州以安平屬之民國三年廢州設道屬直隸省保定道並以雲南貴州兩省之安平縣皆遵本省縣名而改名乃仍名安平如故十七年改省名河北屬河北省

古蹟名勝

孝感聖姑廟

在縣城北關闡為漢光武時勅建

深縣

深澤禹貢為冀州之地春秋屬鮮于戎國屬趙秦屬鉅鹿郡漢置下博桃二縣
與東鄉侯國俱為信都國同下博縣屬安平國隋因之屬信都郡開皇十六年置深
州始有深州之名下博縣治仍存唐高祖武德四年置治安平尋徙饒陽貞觀七年
廢屬冀州睿宗天元年復置治隆澤縣天寶元年改饒陽郡肅宗乾元元年復為
州宗元因之明成祖永樂十年徙治吳家莊即今治清因之民國三年設道深州改名
深縣屬直隸省保定道十七年改省名河北廢道屬河北省

古蹟名勝

蕪葦亭 在縣城內東南隅為東漢馮翼進豆粥處

凌霄暮靄 在縣城東北四十里為王霸踏冰處

孝思墓 在陽台村為有明孝子董存思墓

忠臣墓 在魏橋村為有宋忠臣歐陽詢墓

深澤縣

深澤縣禹貢為冀州之域春秋屬晉戰國屬趙秦屬上谷郡漢初置深澤縣

屬中山國後又稱南深澤屬安平國魏晉因之北魏屬博陵郡去南字縣名至是
始定自隋迄今因之惟興廢隸屬不一隋屬博陵郡唐初屬定州後屬祁
州宋熙寧時曾省深澤為鎮入鼓城縣後復置屬祁州明因之清屬定州民國三
年廢州設道屬直隸省保定道十七年改省為河北廢道屬河北省

古蹟名勝

北極台 在縣城北山西會館在城東建築雄偉風景宜人

東鹿縣

東鹿縣禹貢為冀州之域春秋屬晉戰國屬趙秦屬鉅鹿郡漢始置鄆縣屬
鉅鹿郡並於其地分置安定貫縣及樂鄉西梁兩侯國後均省併於鄆魏晉因
之均屬趙國北魏改鄆曰鄆仍屬鉅鹿郡北齊改曰安國隋開皇六年改名安定十
八年因縣東有鹿城改名鹿城屬信都郡唐至德間或云天寶改名東鹿屬深州
是為今縣之所由名宋初屬鎮州後遠屬深州元改屬祁州明因之清降祁州為
散州東鹿改為保定府民國三年廢府設道屬直隸省保定道十七年改省名河

北廢道屬省

古蹟名勝

紅草坡 在縣城北四里舊城鎮間為唐將張興死安祿山之亂於此草為粟

紅故名

萃賢坊 在舊城鎮為明大司馬大司徒大司空太師少保共築

靜遠伯墓 在城西北五里為明靜遠伯玉驥之墓

冀縣

冀縣禹貢為冀充二州之域春秋為晉地戰國為趙地秦屬鉅鹿郡漢初置信都國並於其地分置辟陽扶柳昌成三縣後漢改信都為樂成國旋又改樂成為安平國以辟陽省入信都改昌成為阜城扶柳如故魏自鄴徙僑置冀州移治信都屬安平郡仍置扶柳晉因之屬安平國北魏仍將信都扶柳並置屬長樂郡至北齊始併扶柳入信都隋初罷郡分信都置長樂縣後分長樂置澤城縣尋又置郡唐置冀州旋改稱魏州後仍為冀州屬河北道宋升安武軍改信都為郡屬河北東路元因之屬真

定路明省信都入冀州屬真正府清初仍屬真定府雍正時升為直隸州民國三年廢府州制設道改為叡縣屬大名道十七年改省名河北廢道屬省

古蹟名勝

八角井 在縣城外東北廊井泉清冽內有子井大旱不竭

張耳墓 在縣城南十里塚大半故墓碣猶存

無極縣

無極縣禹貢為冀州之地春秋屬鮮虞國戰國屬趙秦屬鉅鹿漢名毋極屬中山國至魏改為魏昌晉因之仍屬中山國隋屬博陵郡唐武德四年屬廉州貞觀初屬定州高祖通天二年改毋為無景福二年置祁州治此宋景德元年祁州移置蒲陰遠屬定州金屬中山府明洪武初改屬真定府清因之雍正五年改為晉州又改屬定州二十一年復屬正定府民國三年廢府設道屬直隸保定道十七年改省名河北屬河北省

古蹟名勝

安鄉城 在縣城南六里魏文帝封弟植為安鄉侯即此

唐相墓 在城西北蘇鎮為唐相蘇定方墓

甄琛墓 在城東北南流村

何瑁墓 在城西關為黑軍元帥何瑁之墓

空古齋 在城西南半里為元逸士何體仁讀書處

楊子鳳墓 在城東南合流村

晉縣

晉縣禹貢為冀州之地春秋屬鼓子國後屬晉戰國屬趙秦始置下由陽縣屬鉅鹿郡漢因之後魏改稱曲陽縣北齊廢入藁城隋分藁城置昔陽縣尋改鼓城唐宋因之元初始置晉州轄鼓城安平饒陽武強四縣明初省鼓城仍領安平饒陽武強三縣尋改散州不轄縣屬直隸真定府清雍正初復升直隸州轄與極藁城二縣旋後改散州屬直隸正定府民國三年廢州稱縣始得名屬保定道十七年改省名河北廢道屬省

古蹟名勝

鼓城 在鼓城村有已廢鼓城遺跡

龍崗 在縣城東關

飛來石 在城內

塔兒村 有唐時趙仁珪造像

寧晉縣

寧晉縣禹貢為冀州之域春秋為晉楊氏邑戰國屬趙地秦為邯鄲鉅鹿二郡西漢置楊氏縣兼置廩陶縣屬鉅鹿郡在東漢及魏屬鉅鹿郡晉將楊氏縣歸併廩陶縣屬鉅鹿國後魏改廩陶縣屬南鉅鹿北齊後周同隋時復改為廩陶縣初屬藁州後屬趙郡唐天寶元年改為寧晉縣屬趙州五代時同宋屬慶源府金屬沃州元屬趙州明屬真正府趙州清屬趙州民國三年廢州設道屬直隸保定道十七年改省名河北隸屬河北省

古蹟名勝

梳粧樓 在延白村為宋仁宗慈聖后梳粧之地

武惠王祠 亦在該村

新河縣

新河縣禹貢為冀州之地春秋屬晉戰國屬趙秦屬鉅鹿郡前漢始置堂陽縣屬鉅鹿郡後漢屬安平國自是歷魏晉迄唐均仍堂陽之名三國屬安平郡晉仍屬安平郡北魏屬長樂郡北齊屬信都北周屬宗州隋屬信都郡唐屬河北道冀州宋皇祐間廢堂陽縣升南宮之新河鎮為縣屬河北東路冀州是為今縣之所由名旋仍廢為鎮併入南宮縣元太宗時復置並移治於此屬直定路冀州明清因之均屬冀州民國三年廢州設道屬直隸省大名道十七年改省名河北廢道屬省

古蹟名勝

光武台 在白神首村有漢光武台一座

煤井 在白穴口村有沙灘煤井一眼

南宮縣

南宮縣禹貢為兗州之域夏商因之春秋屬晉戰國趙秦屬鉅鹿郡無南宮之

天

名漢高祖置南宮縣屬信都國東漢安帝改屬安平國三國及魏晉因之隋置南宮縣屬冀州煬帝改屬信都郡唐武德初屬冀州天寶初改屬信都郡肅宗後改屬冀州五代因之宋省縣入新河尋復置屬冀州隸河北路金屬冀州隸河北東路元屬直定路冀州明屬直定府冀州清因之雍正二年升冀為直隸州南宮仍屬之民國年廢州制隸大名道十七年廢道隸河北省

古蹟名勝

麥飯亭 在縣西三里之舊城闕為漢光武至南宮遇大風雨馮異抱薪鄧禹炊

帝對爐燎衣馮異進麥飯後建此亭

晒衣村 在縣西十里相傳為漢光武遇雨晒衣於此故名

飛鳳崗 在縣城中心軒然翔起高與城門頂齊登巔四瞻全城在目

古水潭 在縣西三里夏秋之交潭水汪洋沙鳥翔集景頗幽勝

清河縣

清河縣禹貢為兗冀州之域周為甘泉市春秋屬齊後屬晉戰國屬趙周威王

時三家分晉趙敬侯都邯鄲遂為趙地春為厝縣屬鉅鹿郡西漢置清河郡領縣八東漢為清河國尋改為甘陵國領縣六後魏仍為甘陵國晉改甘陵國為清河國領縣六隋初廢清河郡貝州治馬場帝時復曰清河郡領縣五唐時復貝州宋以縣仍清河領縣三元清河縣屬大明路明仍清河隸大名府清仍置縣隸廣平府民國廢府道屬河北省

古蹟名勝

興隆寺 在縣西南為隋時所建梵宇地廢惟前殿背負壁尚有白石佛一尊高九尺鐫刻精工背刻唐太歷十年字樣

廉將軍廟 在城西南八里今廢遺跡猶存其墓在城西二十五里縣堤附近

崇興寺 在縣屬油房鎮瀆臨運河地勢雄壯寺基宏敞林木叢茂後有台

台上建玉皇閣可登望鄰邑城堞

定興縣

定興置縣始於金大定六年在潁首為冀州之地春秋戰國為燕地秦為范陽縣屬上

谷郡漢仍秦縣名屬涿郡後漢為侯國魏仍之隸范陽郡晉立范陽國縣屬焉北魏北齊均屬范陽郡天保七年並容城入范陽隋開皇初改范陽為道縣屬上谷郡大業十三年縣廢唐改為易縣地隸易州五代仍之晉天福元年入於遼宋宣和四年遼郭樂師以易州降仍為易縣地七年復入於金即大定六年以范陽之黃村置定興縣割涿水易縣近民隸之屬中都路涿州是為今縣得名之始元改屬大都路易州至元十年又屬保定路明屬保定府清因之民國三年廢府設道屬直隸省保定道十七年改省名河北廢道屬省

古蹟名勝

黃金台 在縣西陳村為燕昭王築以招天下士者

長安城 在縣西北長安城村漢宣帝時幽州刺史李宣尚范陽公主公主王憶長安

乃築城以象之

百樓城 在縣西南百樓村唐貞觀十五年太宗征遼東迴鑿以息將士

永安寺 在固城鎮建於明正德九年屋瓦及羅漢皆以鐵鑄呼為鉄瓦寺

看花台 在縣西南河內村元至元時張宏範游觀之所

容城縣

容城禹貢為冀州之域春秋及戰國為燕地唐武德五年置北義州道縣屬焉貞觀元年州廢縣屬易州聖曆二年改名全忠神龍中仍稱道縣天寶間復曰容城五代晉天福初入契丹仍屬易州周顯德六年亦僑置容城縣割屬雄州尋廢宋建隆中復置仍屬雄州金天和中時割屬安州至貞祐改為安肅州後仍屬雄州元屬保定路雄州明初省入雄縣洪武十五年復置屬保定府清因之民國三年廢府設道屬直隸省保定十七年改省名河北廢道屬省

古蹟名勝

楊忠愍公祠 在縣城內松柏暢茂有楊忠愍公之塔係在監道其妻子者有劉石菴紀曉嵐題跋現由其家族立古物保管會保存

瞭馬台 傳為宋楊六郎歇馬處因汲水不及將井掘創故該井有斜倒之勢

八大王墓 在陳家莊傳係趙德芳之墓

二十

白溝晚渡 相傳為王祥臥水處河水嚴寒不凍

劉靜修墓 在塔市村橫拒馬河岸遺伏沉水漆棺即行折回曰墓在河

徐水縣

徐水縣居禹貢冀州之域為古燕地戰國趙李牧伐燕取武遂城即此唐高祖改郡為州以易州領武遂成五代晉王命李存審拒梁在武遂城東十里夾瀑河築南北二城今縣城即昔之北城北宋時以安肅為靜安軍(安肅縣名當始此)武遂為廣信軍金改遂州明洪武九年改路為府統州縣改遂州為安肅州為安肅縣海遂州即今遂城鎮安肅州即今徐水縣以安肅縣隸保定府清因之民國三年廢府設道安肅隸范陽道後改為保定道七月改縣名徐水仍屬保定道十七年改省名河北廢道區遂直隸於河北省

古蹟名勝

老漢墳 在縣南西張村外傳謂老漢張姓失名康熙間外域進勇夫板交無敵時老漢年九十餘奉檄角勝整之賞賚甚厚壽至百二十七歲卒

姜女村 在縣北小新菴村世傳為孟姜女故里村中有姜女濯衣塘水底沙明
宛如玉屑

鳳 嶺 在縣西四五里如鳳翹然峙於西黑山之間故名春夏草木殊冬雪月
皆足稱賞

東嶽廟 碧霞宮均距城南二里許東西對峙古柏森森蒼翠欲滴
清苑縣

清苑縣在唐屬冀州唐屬幽州夏仍屬冀州周屬幽州戰國燕南趙北秦為上谷郡
漢為樂鄉縣三國魏為上谷晉屬燕北齊復置樂鄉縣隋屬河間郡以境有清苑
河故名唐隸瀛州宋初為清苑郡金為保州清苑縣後改保州明改為保定府
清苑縣清初置省城於清苑民國省會移津始廢民國三年改清苑縣屬保定道
十七年廢道改省名河北乃隸河北省

古蹟名勝

廉頗墓 在縣城西廉良村墓前陂羅水支流有石梁馬謂之廉梁

千雲樓 原名鳴霜樓在縣城內穿心樓之西明宣德年知府周鑑建成化年知
府章律為台上建層樓三間並改名千雲樓

大慈閣 在縣穿心樓北祀觀音大士其中為金蓮時建築高可數百尺十里外遙
望層閣其碧若霞實稱雄觀

宋代三陵 在縣城東南三里御城村僖祖陵曰欽陵順祖陵曰慶陵翼祖陵曰晏陵
宋太祖建隆元年綱目書宋立廟追帝祖考宋主從兵部尚書張昭判太常寺實
儀議立四親廟尊高祖配為僖祖文獻皇帝曾祖堯為順祖惠元皇帝祖改為翼祖
○○皇帝至今遺址尚存

蓮花池 在縣城內府門口池上有臨漪亭肇自唐上元間元守帥張采築構館
榭始成鉅觀並引陂泉水栽種蓮花澄瀾蕩漾簾戶疏越魚泳鳥翔雖城市繁
器而得三湘七澤之樂也清光緒年間改為公園省立第二圖書館亦附設園內古木參
天山石叢疊台榭迴環小徑曲折游人如蟻遠近皆知洵大觀也民國以來屢被駐
軍踐踏房屋毀壞不堪入目現經士紳多方勸募集資修葺以復舊觀

沁公園

滿城縣

滿城縣禹首為冀州之域戰國屬趙築北平城拒燕為北平命名之始唐初仍名永樂天寶元年改稱滿城宋景德初併入青苑為保塞縣滿城遂廢金析保塞縣復置滿城縣屬保州元仍之屬保定路明洪武十年廢入慶都十三年復置滿城屬保定府清因之民國三年廢府州設道縣屬保定道十七年廢道改省名直隸於河北省

古蹟名勝

三角泉張燕公石穴 在縣城西北抱陽山原麓下深一丈五尺濶一丈上有大唐張燕公讀書處八篆字存焉

賢台 在縣東十里賢台村昔燕昭王築台置千金於其上以延天下士高二丈餘圍濶六十步巍然峙立亦名黃金台

繼志菴 在抱陽山宋紹聖間崇儀使大總管邢仲良鑿菴於此記碑尚存惟文

三

漫漶不可讀

神星石 在縣北十里神星村相傳有星墜落為石至今石上刻此石首顯立河中河兩岸皆山猶金焦之小孤中流之砥柱非星殞也

郭隗故里 在縣南三里郭村路旁有碑

元張柔墓 在縣北十五里岡頭村有神道碑元南陽郡韓昌墓在縣東十里城東村有神道碑

抱陽山 在縣西十里抱陽村北山南面中谷溫和雖隆冬不積冰雪故名抱陽花木蔚翳亦名花陽有石洞數十處石壁石門石床天造地設冬夏可居上有八景曰百步兩一畝石明珠富托山樹上天梯龍角洞滴水堂出雲洞等是唐張燕公說曾讀書於聖教寺 在山之半寺之下有蹬道七盤亦張說所修

一畝泉 在縣東八里一畝泉村西北角泉水湧出濶畝許故名一畝尚泉宋程伊川先生曾居此所謂藻西莊者是也

龍母宮 在泉之北建築壯麗

沛然亭 在泉之南係建於水上

宸翰亭 在沛然亭之南清康熙御筆所書額猶在也泉外並有石橋七
完縣無可稽考

古蹟名勝

伊祁山 在縣西相傳為古之丹陵堯母慶都居於此山上有洞曰堯母洞為帝堯
降生之地

曲逆舊城 在縣東南三十里大王子城村周圍有土城甚大相傳即曲逆舊城但今
人多名之曰丹朱城以堯都平陽築城於唐虞之間而廣大之以居王子丹朱俗傳即
為是城

陳侯村 在縣西十六里相傳漢陳平封曲逆侯於此

名文筆峰塔 在縣城外東南隅建於明嘉靖間當菜園著花麥隴搖風之際一
塔湧出儼若陵雲之筆故名文筆峰

五雲泉 在縣城西十里之源頭村有泉五竅如龍時出雲氣圍泉砌石上構亭榭可

資玩賞邑之八景所謂龍泉五穴者是也

蓮花池 在城內文廟之北面積九十餘畝每屆夏月蓮花初放遊於池畔一縷幽香引
人欲醉續八景所稱蓮池曉露者是也

唐縣

唐縣三代時屬并州春秋屬燕戰國時屬中山國秦屬上谷郡漢始置唐縣唐宋元
仍之屬保定路明清因屬保定府民國三年廢府設道屬直隸保定道十七年改省名
河北現屬河北省

古蹟名勝

樂羊城 在縣城南十五里建陽村史記魏使樂羊城中山處

王陵城 在縣城西四里大洋村傳為漢所築

灌城 在縣城西四十五里漢灌嬰所築

長古城 在縣城南八里堯封國之城也

中山城 在縣城西七十三里後燕慕容垂都中山即此

鴻城 在縣城西北七十里晉之鴻山關也為晉時所築遺跡尚有可考
堯泉 在縣署右堯帝廟有井名堯泉傳為帝堯所鑿

林公泉 在縣署左為清邑公林公所濬也

清虛山 在縣城西北葛山中有藏經閣

石臼寺 在縣城西北馬耳山寺前河繞如帶倍極清幽

十方院 在縣城外東南隅殿宇宏峻輝煌內有藏經樓三層並有花卉點綴

曲陽縣

曲陽縣在唐屬冀州之域虞屬並州夏商仍屬冀州周屬并州春秋屬北燕戰國屬中山國自趙武靈王合軍曲陽縣名始著遂為趙有秦屬鉅鹿郡漢始名上曲陽屬常山郡後漢復故屬中山國三國魏屬常山晉因之隋改曲陽為石邑唐遠在舊名宋初置定州博陵郡今仍之元改保定路明仍屬定州前清升定州為直隸州領縣二曲陽居首民國三年廢府縣設道屬保定道十七年廢道改省屬河北省

古蹟名勝

北嶽廟 在縣城內為歷代帝王祭嶽之地清改潭源廟內有唐張嘉貞貞宗碑
奇親善祭嶽碑記其他碑記亦多不勝數建築極為宏壯牆壁畫三古老相傳
為吳道子親筆

濟瀆巖 在縣城西北三里石骨清峭拔地湧出山雨驟至西崖流泉奔瀉匯而為潭岩石現有蘇軾書淨休二字岸北有淨休寺元碑存焉

黃山 在城南石岩有燕南奇勝四大字及宋金元諸名人題名殘字該地產白石宜雕刻

香巖閣山 在縣城北六十里絕壁千尋奇峰萬狀寺南有滴水巖石鐘下雲叩之
輓鳴岩泉垂滴如雨冬時成冰柱旁有賈島洞澗磁巖宋時產精美細磁
與燕川之燕磁並稱今祇遺蹟猶存迤東有龍泉鎮激玉泉平地湧出成為巨河
西北有王子山岩壑幽深泉石奇勝建有王子山院因係箕子之居故名再西有花
洞山洞極深人不能窮其底洞中寬隘高低不等形狀奇異

阜平縣

阜平在禹貢為冀之域周屬并州春秋時為奚子國地戰國為東桓地秦罷侯置守設南行唐縣遂為南行唐地屬鉅鹿郡西漢屬常山郡之南行唐地東漢屬中山國魏晉因之元魏時仍屬常山郡北齊後周仍之唐為鎮州行唐地宋遠時改行唐西北境為行唐北砦金初改北鎮章京明昌四年始置阜平縣隸正定府是為今縣得名之始元屬正定路明仍改路為府清因之民國辛酉廢府設道屬直隸省保定道十七年改省名現屬河北省

古蹟名勝

觀音閣 有銅鐘重千斤鳴應霜降

沁 泉 一在縣南溫湯村一在縣北吳王口村可以浴病

行唐縣

初帝堯封於唐（今定州北唐城村即其地）趙主父偃以燕齊之師滅中山屬於趙秦始皇二十六年併天下分為三十六郡置南行唐縣屬鉅鹿郡二世元年武臣立為趙王仍屬趙西漢初猶屬趙文帝時改恒山為常山郡乃屬常山景帝三年復改為中山國

十五

又屬中山東漢因之魏仍改屬常山國晉初屬常山郡後魏去南字祇名行唐縣屬恒山郡北齊廢中山置博陵郡隋屬恒山郡唐置玉成縣屬恒州（今城北十五里有玉亭鎮相傳即玉城也）長壽二年改章武（今城南十五里有章武村）神龍元年復名行唐縣大曆三年置紙州九年廢仍屬恒州五代梁開平二年又改章武縣後漢仍改為行唐宋因之屬真定府并於行唐西北境改立行唐北砦金初改為行唐北鎮明昌四年始分割而置阜平縣行唐之名初故而境土已去其半元改為恒陽縣屬保定路明為行唐縣屬真定府定州清因之順治十六年裁併阜平一縣共十社以東五社歸西陽以西五社歸行唐康熙二十二年復置阜平縣仍以阜平之西五社歸阜平而行唐之社里如故民國仍之屬保定道十七年廢道屬省焉

古蹟名勝

封崇寺 在城內為北齊天保年建現尚完好寺前有大隋開皇十三年建古石塔一座南廊外有無影山相傳山伏地中惟露山頂
郤毅墓 在縣城西北城寨村為周朝郤毅之墓

靈壽縣

漢屬中山嗣仍改屬中山

靈壽縣禹貢為冀州之域春秋時屬鮮虞國周威烈時建中山國又屬中山及魏文侯樂羊使滅中山復國遂徙郡靈壽後為趙武靈王所滅置靈壽縣屬常山郡明洪武時屬真定府清改真定為正定仍屬之民國三年廢府設道乃屬直隸省保定道十七年廢道改省名遂屬河北省

古蹟名勝

曹彬里 在縣城東南三里崗頭村即宋武忠王現有碑記可考

趙武靈王台 在縣城西十五里故城村周圍百餘步高五六丈為趙武靈王所築

魯柏山 在縣城西北六十里蒼崖秀壁飛泉奇絕山柏凌霜傲雪鬱鬱蒼陰

而鳳凰石崎立於東臥象石峒屹於西風景美麗名人多往遊覽

平山縣

平山縣禹貢為冀州之域周屬并州秦屬中山郡漢屬常山郡後漢屬常山國魏廢晉置蒲吾仍屬常山後魏因之後周宣帝元年置蒲吾郡並以靈壽屬之隋開

皇間析蒲邑置房山縣肅宗時兼西平房山二名改為平山縣屬鎮州五代因之宋分十五里以平山屬河北路真定府金因之元設省以平山屬中樞省正定路明沿省制而平山屬北直隸省正定府清因之惟無南北直隸之分耳民國三年裁府設道屬保定道十七年裁道改省名乃直屬河北省

古蹟名勝

潞王里 在縣城南里今王子村之北有碑額可考

劉秀石 在縣城東約十里漳沱河南岸雷峯山下即漢光武渡漳沱結冰處

其北有光武渡漳沱碑在靈壽縣境

洺洺水之瀑布及温塘村之温泉風景亦極幽絕尤利民生

望都縣

望都即古之慶都也通鑑云堯母本慶都氏是慶都之名稱其來遠矣唐武德四年復置望都河北道博陵郡宋隸河北東路中山府遼省之金復置慶都縣隸河北西路中山府元初隸正定路尋改隸保定路俱隸直隸省明隸保定府清初因之至乾

隆丙寅始復原名望都仍隸直隸保定府民國三年廢府縣改道隸於保定道十七年廢道改省名遂直隸河北省

古蹟名勝

堯母陵 在縣府東周圍丈六尺高丈上有石頂名靈台即堯母寢墓也

丹朱墓 在縣城東門外濶二畝高丈墓前有碑上刻中天世子徽侯丹朱之墓

雙阿峻秀 在縣城東北二里許有土阜二隅排並時登臨其顛俯瞰原野情景

幽勝

堯帝廟 在縣城東關內有古柏二十五圍三出名曰三皇一本二十七圍五出名曰五

帝同根因有枝幹而無葉故又名鐵柏

定縣

定縣在唐虞屬冀州後屬併州春秋時為鮮虞戰國時為中山國漢初沿秦制置中山郡嗣改郡為王國魏晉概沿漢制北魏改為定州是為定州得名之始隋唐改郡為府宋復改為定州五代迄宋沿襲唐制升州為府金廢府為郡尋復

定

府制明初降府為州清初升為直隸州民國辛廢府州設道即屬保定道十七年廢道改省名河北遂屬省焉

古蹟名勝

瞭敵塔 在縣城內東南隅為宋真宗咸平四年興建仁宗致和二年竣工歷

五十三年之久始成高三級圍六十四步

衆春園 在城內東北隅宋朝魏公建明神宗時州牧唐祥興就園建祠祀韓

蘇二公清河州牧韓逢麻移雪浪盆石置於園內現為男師範學校

漢中山靖王墓 在縣城西門內塚高二丈許有知州寶琳重修圍牆勒石於門之東

壁詳紀其事

唐城 在縣城北十里許帝堯為唐侯時所都

八角井 在縣城北門內明知州宋子質從建德王廟於其地清知州王仲魏重修

龍王廟并作八角亭以下覆井

新樂縣

新樂縣屬冀州之域後屬并州春秋屬鮮虞戰國時屬中山國漢為中山郡魏晉因之隋唐為中山府宋元因之明以定州領之屬正定府清雍正二年改定州為直隸州仍領新樂十二年遷屬正定府終清之世未變民國三年廢府州制直隸於保定道十七年廢道制改省名乃直隸於河北省

古蹟名勝

唐馬瑾墓 在羊頭村

伏羲臺 在何家莊

沙河夜渡 春露觀隴亦縣之名勝

正定縣

正定高貴為冀州之地春秋屬鮮虞國戰國時屬中山國唐為恒州治宋為真定府治元為真定路若明為真定府治清改真為正仍為府治（正音仍讀如真）民國三年設道廢府存縣屬直隸省保定道十七年改省名河北廢道屬省

古蹟名勝

天

隆興寺 俗名大佛寺在縣城內為隋時所建佛身高七丈有奇工程浩

大宋重修之

華塔 在縣城南門內廣惠寺中創建於唐琢鳩絕倫

陽和樓 創建於元明重修之在縣城內南大街傳為恒陽之文峯

磚塔 在官駟街開元寺

木塔 在東大街天寧寺或層閣崇煥或矗立雲表亦均壯嚴偉麗頗

稱巨觀

獲鹿縣

唐貞觀十七年廢并州以鹿泉縣復隸恒州天寶五年改為獲鹿縣五代因之屬鎮州宋開寶六年省石邑并入獲鹿縣屬真定府金興定三年陞鎮寧州元初改為西寧州尋復為獲鹿縣屬正定路明清因之屬正定府民國廢府州治設道隸直隸保定道十七年廢道改省乃屬河北省

古蹟名勝

韓信廟 漢韓信破趙於井陘而擒陳餘邦人因為之立廟於縣城西土門名流吟咏碑碣無數

趙陵 在縣東三十里趙陵鋪即漢趙佗之遺塚也煙樹蒼茫曠為幽肅

白鹿泉 在縣城西八里海螺山麓有泉湧如珠

靈岩洞 亦在海螺山洞九節忽廣忽狹連續如珠出自天成

井陘縣

井陘縣禹貢為冀州之地春秋屬晉國戰國時屬趙國秦屬鉅鹿郡漢始置井陘縣屬常山郡晉因之隋置井州旋廢屬恒州唐末置天長軍石晉改天威軍宋復置井陘從治天威軍金改井陘為威州元以州治隸邢洛又隸廣平路徙州治於洛以井陘為屬縣明改屬正定府清因之民國二年廢府設道屬直隸保定道十七年改省名河北隸屬河北省

古蹟名勝

白石嶺 在縣城東四十里白王莊村西古名白皮關人呼為東天門即淮陰侯

充

作背水陣趙從石壁上望見而大笑之處

孤台 在縣南六十里南孤台村相傳為程嬰藏趙孤處

背水陣 在縣治東三里微水鄉西即韓信張耳破趙軍處舊址尚存

蒼巖山 在縣城東南七十里危崖峭壁高出雲表白檀古木濃翠欲滴以水流

潺潺石蟹成群風景甚為幽秀

陘山 在縣城北五十里周穆天子獵於鉞山之西阿於三道之陘即此山也山阿深處

有石鼓寺古柏參天陰翳不見天白旁有山泉水清澈寺西有巖高數十丈青泉

飛瀑別具風景

靈霄塔 在縣城東南二里明萬曆二十二年為知事張應台所建高七級約十餘

丈登臨其上雪花山正北路綿河縣城風景歷歷在目誠勝境也

藁城縣

藁城禹貢為冀州之域春秋屬晉戰國屬趙秦屬鉅鹿郡漢初置藁城縣屬真定國是為今縣得名之始唐更增置信義縣嗣後有設置與廢無常宋初仍並置二

縣後省九門入藁城屬真定府元因之屬真定路今縣之疆域始定明清均屬正府民國三年廢府設道屬直隸省保定道十七年改省名河北廢道屬省

古蹟名勝

肥累故城 在城子村北周時肥子國白狄之根據地

示衣坂 在黃莊村西為顧果卿討安祿山之發始地

九門 係戰國時趙邑為藺相如所築遺址猶存

李牧台 在土宜安二村之間為李牧所築以禦秦師

石閣老墓 在徐村西明代名宦之一兄珩弟瑤同登進士珩官至戶部尚書有政

聲人稱閣老而不名諡文隱

張尚書墓 在尚書村北尚書名子麟字瑞明明成化甲辰進士歷任要職政績頗

著時人稱為刑名之祖

藥城縣

藥成禹貢為冀州之域周屬并州春秋屬晉為藥邑漢初置閼縣屬常山郡後漢

甲

改置藥城縣屬常山國是為今縣得名之始魏晉均省北魏復置藥城治故閼縣屬趙郡北齊廢隋復置改趙州為藥州以縣隸之後仍改為趙州唐初屬趙州後屬恒州又屬鎮州天祐初改名藥氏縣五代後唐復名藥城宋屬真定府金因之元初屬趙州後屬真定路明清均屬真定府民國三年廢府設道屬直隸省保定道十七年改省名河北廢道屬省

古蹟名勝

湖山 在教育局門首巍然一石屹立聳拔嵌空玲瓏壁間刻爨壁湖山四

大字筆力挺秀

晉山發跡石 刻隸書四字字大盈尺乃崇禎戊寅中州范志完所書在縣立第一

高級小學校門首

柴武台 在城東堊堊許乃西漢柴武之墓

藥武台 在城西北堊乃藥武之墓台高五丈周圍里許

卧龍崗 在城東八里盤曲如卧龍岡畔有浪頭邱高丈四尺

龍潭灣 在城南五里其處有五龍井八角亭

魁星樓 在縣城東南隅層檐聳翠觀瞻壯麗

元氏縣

元氏縣禹貢為冀州之地春秋屬鮮虞國後屬晉國戰國初屬中山國後併於趙趙封公子元於此因名元氏秦屬鉅鹿郡西漢初屬趙王歇地高帝三年置恒山郡治元氏文帝元年改為常山郡新莽改為井闕亭東漢屬冀州魏仍之後改常山國仍改屬正定府宋金因之元初屬趙州太祖十五年遷屬正定路明屬正定府清因之民國三年廢府設道屬直隸保定道十七年改省為河北遂隸屬河北省

古蹟名勝

始生堂 在島辛村漢建武四年光武征彭寵光烈皇后尚為貴人從駕生顯宗於此故曰萬年又名萬歲村

韓台 在縣南三皇槐河之陽有土阜連亘不絕為韓信攻趙時屯兵於此今有

四里

韓台村

割髭翁 在縣城西七十里東漢建武四年光武征元來大搶駐蹕元氏賊皆割髭變貌而去故名

龍山書院 在封龍山為漢李躬受業之所唐郭元振宋李昉張燾更金李岩元安熙比皆曾講學於此

李徽伯舊宅 在縣西北十五里吳村開業寺即後魏李徽伯舊宅也

趙縣

趙縣禹貢為冀州之地春秋屬晉戰國屬中山國秦屬鉅鹿郡漢屬常山郡後漢屬冀州晉為趙國魏為趙郡隋改為趙州唐屬正定府宋宣和元年改為慶源府金復改為趙州天德三年又更名沃州元仍改為趙州明屬正定府清初因之雍正三年升為直隸州領縣五即柏鄉高邑臨城隆平寧晉是也民國三年廢府州制改為趙縣三年設道屬直隸冀南道十七年改省名河北乃屬河北省

古蹟名勝

大石橋 在城南五里跨於交河上為隋匠李春所造長三丈全橋一丈孔
望漢台 在縣政府前為後漢耿純所建以望光武
相林寺 在城內東街有真塔塔殿壁間有吳道子所畫山水全邑覆
尚有兩碑對峙一勒摩訶經三十字一勒佛鳳翼三十字為唐代虞世南書
勤經石塔 在南大街西面八核周圍鑿院羅尼經亦為唐虞世南書

高邑縣

高邑古名鄆禹貢為冀州之域漢屬帝山郡新莽改為禾成亭東漢光武即
位鄆南改名高邑仍屬常山晉屬趙國後魏屬趙郡隋初隸藥州後改為趙
州唐時仍隸趙州宋元祐元年復隸藥州宣和元年復升趙州為慶元府邑仍
屬之金天會七年改慶源府為趙州天禧三年更名沃州邑仍為州屬元時又更
名趙州邑仍隸之明永樂間正定府領趙州趙州領縣六內有高邑清初因明舊
制雍正二年升趙州為直隸州縣乃專為州屬民國三年廢府州制遂直隸於省旋
又劃全省為四道冀南道轄二十七縣高邑屬之嗣又改冀南道為大名道邑仍屬之

十七年直隸更名河北廢道制乃直轄於省

古蹟名勝

- 房子城 在縣治西南十五里即戰國時趙邑
- 千秋台 在城南宣許為泉漢光武即位處
- 觀星台 在千秋台之西
- 四將台 在千秋台之南均係光武即位時建築
- 雙鳳台 在縣城西南北濱村村西即兔兒坡峯巒聳秀環抱村墻
- 祭星台 在縣城北馬村槐河南岸雅人高士均遊於此
- 賢樂亭 在祭星台後亭傍河岸柳色秋花春秋佳日人多遊覽

贊皇縣

贊皇縣禹貢為冀州之地春秋屬晉戰國屬趙至漢始為房子縣隸恒山郡晉
隸趙國隋開皇十六年析置房子縣為贊皇縣屬藥州藥州即趙州也此為贊
皇得名之始大業中改屬趙郡唐屬趙州宋熙寧五年省為鎮併入高邑元祐

元年復置縣屬趙郡宋改趙郡為慶源府金又改為沃州晉皇仍屬焉元至元二年又併入高邑七年復置仍屬趙州明因之清雍正二年改趙州為直隸州督魯秀改屬正定府民國三年廢府設道遂屬直隸保定道十七年改省名河北即隸屬河北省

古蹟名勝

平泉莊 在縣城西許亭利北有唐李衡公德裕書院在焉今莊址已無考惟莊內醒酒石移置於城內高小校內

胡家園 在城西胡家莊係明中丞胡公采朝別墅內有白玉松一株枝幹均潔白如玉石柱山 在縣南三里山勢擎天如柱松柏蒼翠至今天

臨城縣

臨城禹貢為冀州之域春秋時為臨邑屬晉至唐天寶元年始改為臨城天祐二年更屬房子縣尋復置臨城宋改趙州為慶源府臨城遂屬慶源金改慶源為沃州臨城亦遂屬沃州元改沃州為趙州臨城又屬趙州明仍之清雍正二年升趙州為直

隸州臨城乃改屬正定府民國三年廢府設道臨城遂屬大名道十七年廢道改省名河北即直屬於河北省

古蹟名勝

普利塔 在縣城北關宋黃祐四年建塔高數丈

息波亭 在縣城西河堤畔為明萬曆十六年建

白鴿井 在城西北十里白鴿井村按碑記恭兵追光武劉秀匿避井中白鴿上集乃得免

齊碑 在教育局

唐銘 亦在教育局係唐慈邱縣令李君墓誌銘

桃源洞 在縣城西北十里九尖山麓有梵刹層巒疊翠曠可遊瀾

聖井崗 在縣城東北三里崗上有井夏旱不竭

柏鄉縣

柏鄉縣禹貢為冀州之地春秋屬魯戰國屬趙秦屬鉅鹿郡漢始置鄴縣屬趙

國晉因之隋改今名宋元明清因之民國三年設道改屬直隸大名道十七年改
省名河北遂隸屬河北省

古蹟名勝

千秋亭 在縣城北十五里鋪為元武遺跡

鳳凰山 在縣城內

馬鞍山 在縣城南賈莊鄉

古鄆城 在縣城北固城店鄉係春秋遺跡

隆平縣

隆平縣古為有庠之國舜弟象封邑也禹貢為冀州之地春秋屬晉戰國屬
趙秦屬鉅鹿郡漢唐因之宋開皇三年改名隆平是為今縣得名之始元明清
均仍之屬大名府民國三年廢府設道屬直隸大名道十七年改省名河北遂隸屬
河北省

古蹟名勝

四

漢任敖墓 在縣城東邱底村南

懿王墓 為唐開元八代祖宣簡公七代祖在縣城南王尹村北見唐祖陵光業寺

碑記

堯山縣

堯山縣原為唐帝堯受封處禹貢為冀州之域春秋為晉戰國屬趙秦屬鉅鹿郡
漢仍屬趙唐初始置東龍州夫賓阿改名堯山縣屬邢州為今縣得名之始宋省入內
邱尋復置今改稱唐山縣仍屬邢州元省入內邱屬順德路明仍為唐山縣屬順德
清因之民國三年設道屬直隸大名道十七年復改名堯山縣並廢道改省名為河北乃

隸河北省

古蹟名勝

孔 崗 上有孔廟旁有孔子停驂處之碑誌元許魯齋曾設教於此

宣務山 在縣城北高達萬尺上建有無影碑十佛古寺廟宇羅列每年廢曆四

月香大甚盛

內邱縣

內邱禹貢為冀之域春秋屬晉戰國屬趙秦屬鉅鹿郡漢為中丘縣屬常山郡魏屬
唐平郡晉時併入柏仁縣元魏時復置屬南鉅鹿郡隋文帝避父諱改為內邱縣
屬襄國郡唐時屬趙縣元屬順德路明清因之屬順德府民國三年廢府設道屬
直隸大名道十七年廢道改省名河北乃直屬河北省

古蹟名勝

程子華墓 在程家灣即春秋時之程水墓也萬曆間知縣李棟立石

馮唐墓 在馮唐村大德寺之左即漢都尉馮唐之墓也

處士墓 在永安村元德寺之右即漢都尉馮唐之墓也

鐵頂墓 在縣城南三里為後趙張賓之墓周圍皆鐵為文餘廣十餘畝

邢台縣

邢台為禹貢冀州之域春秋戰國時為晉邑因趙襄子食米於此故有襄國之名秦
屬鉅鹿郡漢屬廣平國魏晉因之均屬廣平郡隋開皇初廢郡十六年置邢州龍

圖縣唐及五代屬河北道州唐因之宋屬河北西路宣和元年并府改名信德府三年
改龍因為邢台金天會七年并降為州邢台縣遂屬河北西路元三年并路屬中
書省順德路邢台明洪武初改府永樂十九年直隸京師清因明治民國三年裁府
設道乃屬直隸大名道十七年改省名河北即隸屬河北省

古蹟名勝

紫金山 在縣城西百六十里五峯高峙上有古廟為元劉秉忠張文謙張易王愔請

書處

仙翁山 在縣城西北三十里為唐玄宗賜名因張果曾遊憩於此

趙飛莊 在縣城西北十五里相傳為程嬰匿飛處

豫讓橋 在縣城北翟村西南相傳豫讓曾藏此橋下以刺趙襄子

開元寺 在城內東北隅為唐開元中建元世祖兩幸於此建大聖塔有萬安師者

能者神異詔改塔名圓照明洪武中重修之

周邢侯夫人墓 在縣城北北史齊武平初有掘古塚得銅鼎腹有銘作謝野書

云邢侯夫人姜氏墓

沙河縣

河河禹貢屬冀州之域春秋屬晉地戰國屬趙秦屬鉅鹿郡漢屬廣平國魏晉屬廣平郡隋開皇七年置沙河縣屬襄國郡唐武德初於縣置温州四年廢遂屬邢州故亦名温州又沙河為古濁水故名濁陽故城在沙河縣東隋置元和郡縣志北至邢州三十五里以縣南沙河為名舊志有故城在距今縣城二里隋曾置縣於此五代梁開運元年移今治明初為水冲圯弘治四年知縣葛禎奏遷西山屯去縣三十五里亦曰新城十年復故治屬順德府清因之隸順德府民國三年廢府設道隸直隸大名道十七年廢道改省名河北乃直屬河北省

古蹟名勝

宋文貞公墓 在留家村西里許

湯山 在縣城西北六十里有溫泉

蓮花池 在縣南普通店

永年縣

永年禹貢為冀州之域春秋及戰國為趙國曲梁地秦屬鉅鹿郡漢初置易陽縣屬趙國旋又設西梁廣平一縣均屬廣平國後漢及魏晉北魏北齊均曲梁廣平易陽三縣並置惟魏屬代易至隋始廢曲梁改易陽為臨洺並為避煬帝諱改廣平為永年為武安郡是為今縣得名之始唐宋仍永年臨洺分設屬洺州金省臨洺永年仍隸洺州分縣之疆域始定元屬廣平路明屬廣平府清因之民國三年廢府設道屬直隸省八年道十七年廢道改為直隸省

古蹟名勝

毛遂墓 在縣城西南二里

蓮花亭 在縣城北清時為清輝書院有亭翼於水中東西各有通路夏冬遊人甚多

呂祖祠 在縣城南五里臨登河之瀆祠西有公園花木繁茂風景頗佳

邯鄲縣

邯鄲為首為冀州之地春秋屬晉戰國屬趙即為趙郡秦屬邯鄲郡漢始置邯鄲縣屬趙國景帝時復改為郡為大郡會之王莽改為桓亭後漢仍改邯鄲縣屬趙國魏晉屬廣平郡東魏廢隋開皇六年復置屬洺州唐屬惠州宋屬磁州澄陽郡元屬廣平路明改路為府清因之民國三年廢府設道屬直隸大名道十七年改省名河北即屬河北省

古蹟名勝

迴車巷 在縣南門裡為趙相藺相如避廉頗處

學步橋 在縣城北關有石橋一為青陵餘子學步處

樂毅墓 在縣城東樂保村墓址猶存

叢臺 在縣城東北隅與城垣連接高六丈為趙武靈王所築上有雪洞天橋下

有亭橋湖榭石刻林文景緻幽雅黃梁夢在城北王化保車站東旁

呂仙祠 石刻尤夥據唐沈中記所載為呂岩度虛生處

鉅鹿縣

四七

鉅鹿為首為冀州之地春秋屬晉戰國屬趙秦置鉅鹿郡漢仍之屬廣宗國新莽改鉅鹿曰富平縣屬和戎郡隋復改稱鉅鹿縣屬襄國郡唐改屬邢州宋屬信德州金乃改屬邢州元屬順德路明清屬順德府民國二年廢府設道改屬大名道七年廢道改直隸省為河北省直屬於河北省

古蹟名勝

柴王城 在縣城東北三里係周世宗為世子時所築遺跡尚在

盧公祠 在縣城南十五里賈莊係明盧忠烈公死節處

張貞女墓 在縣城北三里莊係南宮進士張貞之女十六歲守楊之玉關夫死請於父奔喪易髻留夫家哀服三年絕粒而卒葬於此

廣宗縣

廣宗為首為冀州之地春秋屬晉戰國屬趙秦屬鉅鹿郡漢始於鉅鹿郡置廣宗其地為今之威縣今縣為漢之經縣係就安平國之堂陽分置魏屬安平郡晉屬安平國北魏太平真君時併入南宮縣永定時復置加西字曰西經鉅鹿郡北齊

復廢唐清唐迄宋均為平鄉縣地至元憲宗時始分洛水以西平於武道縣置
廣宗縣其地有平鄉後復置屬順德路是為今縣名與縣治相符之始明清因之而
屬順德府民國三年廢府設道屬直隸省大名道十七年改省名河北廢道屬省

古蹟名勝

沙邱臺 商紂所築秦始皇巡歸海於沙邱南此

沙邱宮 趙武靈王所築後為公子成所圍餓死此宮

洗馬潭 在縣城北八里洗馬村東漢光武曾於此洗馬故名

威縣

沿革威縣為首為冀之域春秋屬晉魏國魏道惠屬邯鄲前後漢改曰廣靈國
魏晉改稱廣宗縣隋唐為代改稱宗城縣宋改曰北名水縣屬魏縣金改稱清源縣
元改威州明清改稱威縣屬廣平府民國三年廢州制設道改屬大名道十七年裁道
改直隸省名河北省遂直隸於河北省

古蹟名勝

魏堤 漢廣宗王陵

界橋 亦名袁公橋在縣城北保袁紹破公孫瓚處

唐宋金剛墓 在縣城西北四十里

宋范曾公墓 在縣城北范家營西

任縣

任縣為首為冀州之域春秋時屬晉已名為任戰國屬趙地秦屬鉅鹿郡漢始置縣
魏屬平國後漢仍為鉅鹿郡建安十七年改屬魏郡三國魏屬平郡晉仍之元魏永安
中屬北廣平郡齊省後周因之隋開皇十六年廢直隸於魏郡初在平南在唐
武德四年復置屬邢州五代因之宋真宗五年復置入白和元初復置屬明德府金
屬邢州元至元年省白和台後復置屬順德府明屬順德府清道光二十五年廢府制設道
隸於大名道十七年廢道改省遂直隸於河北省

古蹟名勝

泉盟臺 在縣城東十五里傳為韓信與龍且會盟於此

宮牆靈井 在縣城內傳係北魏太傅游雅所鑿

薄村雙塔 在縣城東北三里巍然並峙高出雲表

平鄉縣

平鄉為古蘇城禹貢冀州之域春秋屬晉地周考王時趙始置蘇齊伐晉取蘇即此其後南徙故加南字秦屬鉅鹿郡漢桓帝時改名屢陶今縣東五里艾村即其故址然無可考漢建興五年城毀於水遂徙置改名平鄉傳其舊址在今縣西北重老營是為今縣得名之始原屬廣平國後仍改屬鉅鹿郡魏屬廣平郡晉復屬鉅鹿郡隋唐仍之宋太祖建隆元年漳河決口城復壞真宗大中祥符間徙置今治元屬順德路明清因之屬順德府民國三年廢府設道屬直隸大名道十七年廢道改省名河北乃直隸於河北省

古蹟名勝

舍利塔 在縣治第四區豆馮村西南興古寺內東跨院舍利殿其中建有木質舍利塔高兩丈餘計一層甚壯麗相傳塔下有洞洞中置萬年燈盞盞每五年

添油一次盞藏有水晶瓶兩具分陳舍利子十一粒

南和縣

南和縣古為冀州之域周初為邢國春秋衛滅之而有其地戰國屬趙秦屬鉅鹿郡漢武帝征和二年置平干國宣帝五鳳三年改廣平國南和均屬之新莽為昌平國仍屬之東漢建武十三年省廣平國遠屬鉅鹿郡建安十七年移屬魏郡魏黃初二年以魏郡西部置廣平郡縣屬之晉復屬鉅鹿郡孝昌三年割廣平郡之南和並襄國任縣三邑置北廣平郡縣屬殷州後併入任縣太和二十年復成南和城一名嘉和城亦名安豐城周置南和郡隋開皇三年廢郡為縣屬洛州十年置邢州縣屬之十六年置襄國郡統縣七南和并焉大業初復廢入任縣唐武德元年置和州縣是為州治四年州廢後改入邢州屬鉅鹿郡乾元初總為邢州宋宣和元年升邢州為信德府乃屬信德府熙寧五年省任縣為鎮南和八馬元祐元年復分為兩縣曰南和智禮川均屬邢州金天會七年降邢州府為縣仍屬邢州元屬順德路至元年省入沙河改為和陽縣明洪武元年改路為府縣屬順德府清因之民國三年廢府設道屬大名道

十七年廢道改省名河北乃直隸河北省

古蹟名勝

宋文貞公祠 在縣城內文廟西今鄉村師範地址為宏治十五年建有宋文貞公遺像及萬代瞻仰匾額

平定邊疆坊 在縣城東為石刻都御史朱正色建高五丈餘

三世宮保坊 在縣城西為戶部尚書李起元建高五丈

白儲昭墓 在縣治第二區東三台村西南為明末天啟吏部郎中白儲昭之墓

朱正色墓 在縣治第三區朱營村亦係明末寧夏總督朱正色之墓

三皇姑廟 亦在第三區戲劇三皇姑出宗即在此廟惟其詳不可考

筆架山 在縣城西南城外有山三峯峙如筆架故名夏日草木葱鬱蒼

翠如滴遠望尤勝

鷄澤縣

鷄澤為貢為冀州之域春秋衛地戰國屬趙秦屬邯鄲郡漢置廣平縣為廣平

平

國治後漢省廢平國以縣屬鉅鹿郡晉後魏高齊因之隋大業三年改廣平縣為

鷄澤縣城於周之古城(即今縣屬舊城營村)隋末復置晉樂城為縣建德廢之

唐武德四年復置鷄澤縣於馮鄭堡為上縣屬洛州五代石晉徙治於古城東三里

宋熙寧三年省曲周縣為鎮屬廣平郡元祐四年曲周鷄澤仍各為縣金因之天會中

城遭兵火徙治於柏頭村元初併入永年縣明時直隸京師廣平府清因之民國三

年廢府設道隸屬大名道十七年廢道改省直屬河北省

古蹟名勝

普樂故城 在縣城東南于五里貢莊村

會盟台 在縣城東十五里舊城營村北春秋諸侯曾會盟於此

曲周縣

曲周在禹為冀州之域春秋屬衛戰國屬趙秦屬邯鄲郡漢初封鄴商為周

侯曲周之名至此始見漢武帝建元四年置縣屬廣平國後漢屬廣平國為鉅鹿郡魏

果嗣後置曲周縣隋初因之大業初廢入洛水縣唐武德四年復置宋熙寧三年省

入鷄澤為鎮至元佑四年復為縣明清因之屬廣平府民國三年廢府設道改隸大名道十七年廢道制改省名河北乃直屬於河北省

古蹟名勝

成湯廟 在安兒寨

韓文公祠 在馬蘭村

李忠愍祠 (李若水) 在縣城東街

路文貞公祠 (路振飛) 在縣城東關

奕世尚書坊 在縣城內

再有易史坊 父子進士坊 御史坊 風紀邊關坊 三代一品坊 陳傳芳訪友保寧寺

河東洞等處遺蹟均猶存在

肥鄉縣

肥鄉在周以前為漳河流域春秋屬衛戰國屬趙因有邑人肥義為武靈王相死於難王嘉其義烈乃封於此名曰肥鄉此為命名之始然尚未置縣秦屬邯鄲

十一

鄆郡迄兩漢均屬廣平國治三國魏黃初二年革列入邯鄲縣地始立肥鄉縣此為置縣之始歷晉北齊北周或廢或併至隋開皇十年復置肥鄉縣唐以肥鄉置紫州旋入洺縣歷宋金元均名肥鄉屬廣平路明清因之屬廣平府民國初三年廢府設道屬大名道十七年廢道改省名直屬河北省

古蹟名勝

趙平原君墓 在縣城東南西北屯莊

元昭文館大學士李密墓均在縣城東城西村

廣平縣

昭平廣平唐虞夏商周屬冀州之域春秋屬晉又為赤狄之墟戰國屬趙秦漢三國俱屬魏郡魏縣晉仍之後改為長樂縣六朝迄於唐宋仍皆屬魏縣金大定七年始分魏縣地置廣平縣屬洺州元仍之屬廣平路明為廣平縣屬廣平府清因之隸廣平府民國三年廢府制設道乃屬直隸大名道十七年廢道改省名河北遂直隸於河北省

古蹟名勝無

成安縣

成安高貢為冀州之域周為晉地名就侯戰國時屬趙地秦併天下為郡縣不聞以成安名其自陳餘受封始漢名斥邱魏郡顏師古謂地多斥鹵故名水經曰城南有赤丘因以名縣新莽改曰利丘前漢書地理志記成安有二屬陳留屬潁川皆非今成安也晉置司川魏郡斥丘隸焉北魏省斥丘入臨漳北齊置清河郡成安縣此城安名縣之始也至北周割臨水滏陽二縣屬成安遂為邑隸河北道宋隸河北東路金屬唐平郡元太宗屬邢洛路憲宗屬洛磁路明屬廣平府清因之民國三年廢府設道改屬大名道十七年廢道改省名河北遂直屬河北省

古蹟名勝

說法台

在城南重許為隋時所建係勝光說法處

北義村

在城東為漢儒大小戴故里有碑記可考

漢張耳墓

在城東北北渚村

魯昭公廟

亦在城東但已湮沒

鳳凰台

在城北三重曲村為唐時所建內有古松三株極盛

磁縣

磁縣禹貢冀州之域春秋屬晉地戰國時屬於趙秦隸邯鄲郡漢屬魏郡三國屬廣平郡晉為臨水縣隸廣平郡北魏因之屬魏郡北齊仍之後周割臨水置滏陽縣屬成安郡隋仍屬魏郡開皇十年廢郡隸相州因地產磁石始名磁州而以滏陽縣附郭大業初州罷仍以臨水滏陽二縣屬魏郡唐武德元年復為磁州六年省臨水入滏陽貞觀元年廢州再屬相州永泰元年復置磁州以臨水縣地改置昭義縣天佑三年以慈磁音近改曰恩州以滏陽昭義縣并治之後復為磁州五代時梁初曰恩州貞明五年為唐所取復名磁州領滏陽縣昭義分治晉屬彰德郡節度宋初為磁州滏陽郡屬河北西路旋改為磁州金仍之屬河北西路以滏陽邯鄲兩縣屬焉元仍之領滏陽邯鄲成安三縣明洪武元年將磁州改屬彰德府廢滏陽縣置守禦千戶所隸山西潞州衛前清仍之初屬彰德府領武涉二縣廢

千戶所置臨縣營雍正四年怡賢親王具奏興修水利遂將磁州改為直隸廣平府民國三年廢府州制為縣乃屬直隸大名道十七年廢除道區改直隸為河北省遂直隸於河北省

古蹟名勝

蘭相如墓 在縣城西北五里危村尚存古廟三楹中有塑像墓在廟內

疑塚 在縣南境漳河北形如小山巖壘不絕凡七十二座世傳為曹操所置

以惑後人者

隋實寧墓 在縣城西北五里佐村有古廟墓在廟後

太山塚 在縣城西南十五里牛尾崗世傳北齊獻武王高歡葬於此

齊蘭陵墓 在縣城南十里劉家莊墓旁有碣惟歲久剝落僅其文猶可得模概

見山樓 建於明弘治十二年登臨西望太行諸峯歷歷在目

響堂寺 在縣城西四里彭山之北齊天統間建殿宇宏敞凡有突處擊之鏗然

有聲

大名縣

大名縣禹貢為冀州之地春秋屬晉國戰國時屬魏國秦屬東郡漢初分置魏縣元城屬魏郡東漢因之三國及魏均屬陽平郡魏郡都督能鄴都魏縣仍屬魏郡元城改屬陽平郡元魏時置貴鄉縣(大名置縣始此)復屬魏郡至高齊時魏與貴鄉並廢隋初復置屬武陽郡唐因之五代梁因唐制後唐改貴鄉名廣晉元城如故屬東京與唐府漢改廣晉為大名屬大名府宋金元明因之清乾隆二十二年魏縣併入大名民國三年裁併府州改縣設道省元城劃入大名屬直隸大名道十七年廢道制改省名乃直隸於河北省是今之所謂大名係合元大魏三縣之統名也

古蹟名勝

宋王禮碑 為宋徽宗讓書在大名城東十五里

黃金堤 在雙呂村南距縣城北四十里有王蟒墳

馬陵道 在城東南五里魏國梁惠王十七年魏伐韓齊使田忌孫臏救之直走

魏都地將廢道遂之孫子遂伏弩於馬陵道射殺龐涓故蹟猶存

南樂縣

南樂在禹貢為冀州之域春秋魏邑也後為晉魏之境秦為東郡之屬縣漢置樂昌仍屬東郡晉及後魏均仍之屬魏郡東魏置昌城後周復置郡隋開皇初廢郡析置繁水魏縣大業初置繁水屬武陽郡唐武德五年置縣屬魏州五代唐諱昌改今名屬興唐府晉屬廣晉府宋屬大名府實皆魏郡也後改南樂鎮屬大名治崇寧間屬開德府靖康後設於金仍屬大名府元屬大名路明仍改為大名府清因之民國三年廢府州治設道南樂遂直隸大名道十七年廢道改省名河北乃直屬於河北省

古蹟名勝

倉頡陵廟 在縣西北西吳村陵蹟猶存

赫胥陵 在縣東北胥方村

王彥章塋 在縣城南門外現均湮沒

沼池 在縣城東南隅內外有城壕兩水夾城風景絕佳

古蹟

起鳳亭魁星樓 在城牆上春秋佳節遊人甚多

清豐縣

清豐在唐虞為冀州之域名頓丘春秋戰國屬魏秦屬東郡漢置頓丘縣三國屬魏晉置頓丘郡縣屬之後魏屬汲郡尋改隸黎陽郡隋復置頓丘縣唐初屬魏州大曆十七年魏博節度使田承嗣因縣界有孝子張清豐門關遂表請名縣此今縣得名之始宋升澶州為開德府縣屬之靖康後沒於金屬開州元因之明初仍屬開州尋改隸大名府清沿明制民國三年廢府置大名道縣隸之十七年廢道改直隸為河北省遂直屬於省

古蹟名勝

帝堯陵 在縣城西南北固城村遺跡尚存

劉裕墓 均在城東武強鎮

子路墓 在西南馬殿

鬼學堂墓 在縣城西楊邵村

普照寺 在城內西南隅唐肅宗上元元年建

也 城 在縣東北十里春秋僖公元年齊師宋師曾師次於也北即此

鄆澤城 括地志云在頓丘城(即今古城集)東十里為戰國時趙邑又為魏地史

齊潘王七年與宋攻魏敗之觀澤即此

小西湖 在城內西南隅中山公園內春秋佳日風景宜人柳塘花塢堪佐清興

一味菴 在城東五里屯村殿閣崔巍花木繁茂為邑東著名勝景

人 山 在城西金堤上係人工疊石而成石磴紆迴峯巒峭拔偶試登臨胸襟曠爽

濮陽縣

濮陽縣古為頓項之墟夏為昆吾國春秋戰國均為魏地秦置濮陽為東郡西漢

罷東郡仍為濮陽後漢仍為東郡魏因之隋初廢郡為縣屬魏州尋屬滑州後

置澶州縣屬汲郡唐武德初改曰澶水屬黎母四年改屬澶州宋置澶州鎮寧

軍節度後升為開德府宣和初罷開德府屬河北東路金初仍曰澶州皇統中始改開

州屬大明府元因之割開封之長垣曹州之東明來屬頓縣四以濮陽為倚郭明初濮

陽縣入州治屬大名府洪武二年入領長垣東明二縣清仍之屬大名民國初元改為開縣

尋復改為濮陽縣屬大名道十七年廢道制改省名乃直屬於河北省

古蹟名勝

頓項城 在縣東南十里

花吾城 在縣城西三里

孔煙城 在縣城北九里

五鹿城 在縣南三十里即重耳乞食之處

浚城 在縣城南三十五里詩云「在浚之城」即此

干城 在縣東北三十里即詩云「出宿於干城」處

須城 在縣東二十八里詩云「思須與漕」是也

鹹城 在縣東南六十里即齊侯鄭伯會盟之處

戚城 在縣城北七里列國公孫敖會晉侯於戚即此

鐵邱 在縣城西北三里即晉趙盾及鄭罕達交戰之處

瑕邱 在縣城南十八里為公叔文子遽伯玉所生之處

泥中 在縣南即詩云胡為乎泥中是也

柳下堆 在縣東南十里相傳為和聖墓

韓信堆 在縣南十里為韓信戰項羽所築

仲子墓 在縣北十里

遠子墓 在縣西南三十里

顯頤公墓 在縣東南三十里

東明縣

東明在禹貢為兗豫二州之域周屬衛春秋時為儀邑封人請見處又為漆園即莊周為吏處戰國仍屬衛秦屬三川郡為陽武之戶牖鄉始皇東遊至此忽昏霧下屋不能進故名其地為東昏漢高祖定鼎封陳平為戶牖侯即此武帝始置東明縣屬陳留郡新莽改為東明東漢復為東昏曹魏時廢為鎮隋並廢陳留郡至宋乾德元年復即東昏鎮置東明縣屬開封府為畿內邑建炎三年沒於金金因之

隸南京路後以官屬廢乃割東明隸曹州屬河南路從河北寬甸縣地以東明故地通遼遼東為儀封縣有舊東昏城仍割蘭陽等六鄉為蘭陽縣元因宋宋七三割大各路至元二年改屬開州明洪武初避水患徙治雲臺集謂之新東明屬北平布政司尋復淪沒遂廢以其地分屬開州長垣宏治四年從邑民請仍以故地設縣大舉集隸大名開州割遠二西里長垣割遠十里編戶二西里今增至三十里清順治二年始併入新二衛又增十六營仍隸大名府民國三年廢府州制設道隸直隸大名道十七年廢道改省河北乃直隸於河北省

古蹟名勝

五伯盟壇 在縣東南三里為春秋時會盟處今荒猶在

荆台春色 即三田紫荆處在城東南三里遺址尚存故其村曰紫荆村

閔子騫墓 在縣城西北十里閔城村塚旁有祠清時有司歲時致祭

長垣縣

長垣在禹貢為豫兗二州之域春秋戰國均屬衛地秦置郡縣時始名長垣

屬東郡漢稱為平邱又名長羅東漢封為侯國魏晉兩朝仍改為縣與年後因
南北分爭中原紛亂其詳遂不可考自隋唐至宋時名匡城時名鶴邱元屬開
州明仍之清屬大名府民國三年廢府設道隸於大名道十七年廢道制改省名乃
直隸於河北省

古蹟名勝

蘧伯玉廟及墓 縣城東八里伯玉村其故里也廟及墓在縣城南十里邵寨村

關龍逢墓 在縣城東南三里龍相村古名龍城為殷關龍逢故里其墓及祠存

比干廟 在縣城東南十八里孟寨村廟中有碎石一塊文曰自古以諫殺身者曰關

龍逢始而比干繼之餘字多不完全

衛靈公墓 在縣城東北十里陳墻村史記公葬於蒗即此

子各賞 在縣城東北三里子路治蒗多善政人民感戴葬其遺物以誌紀念

蘧大夫祠 在縣城東南隅蒗過書院中建築壯麗祠前有檜楮各一株

